

# Дагъустан дишагъли

5/2020



ДЕВРИН ДИШАГЪЛИ

УТКАНВАЛ ВА УМУНВАЛ.

КЬУВВАТ ВА МЮГЪКАМВАЛ

ХИЗАН

БАХТЛУ УМУР

НАСИГЬЯТЧИВАЛ

ГЪАЛИБ ХЪПАН ИЛИМ

СИХИЛ

ДУХТИРДИ БАБКАН ДУХЫНУ ККУНДУ...

ISSN 0132-9642

табасаранский

# В добрый путь!



ФОТО ЗУБАЙРУ МАГОМЕДОВА



# Анжагъ бизнес...

Гъарсаб вахтназ чан сурат, философия, асас фикир тувру рякъяр а гъапиш, узу думукъан айтихъя вуйир даршул. Гъадму заан шей'арин тясиранаккиди оптимизациири, реорганизациири ва жара фагъумлу шей'ари абцИнайи ихъ уъмрин варитлан асас рякъкан вуйи пашман фикрар арайиз гъафнийиз. Гъаму дюшюшнаш «философияйин фикрар» апIбан себеб – му цИийи, оптимизировать ва модернизировать дапIнайи, амма, гъайифки, сарун багъри дару «Урусатдин почта» гъабхънийи.

Магъа узу ва йиз гъарашугъар, дагъустан СМИ-йин руководителар, вуйишлан, гъял апIуз даршу зурба месэлайн улихъ дийигънача: почтайи чан ляхнин асас рякъ гъякъикъатди гъясбикк ккапIрадар.

Асас рякъон тяйинвалий гъалатI хуз гучури, гъарганси, словарихъна илтИкИнийза. Гъаци, магъа словари кIураки, «почта хабар ва шей'ар хътаърурин ва гъадагъурурин арайиъ хпан-гъабхбан игътияждиан арайиз гъафну». Ари гъадму ляхни гъи ихъ почтайик гъалаб кипрадар. Гъятта шагърин айтI ахюбсиб пай ич подписчикихъна чпи подписка гъапIу газатар ва журналар вахтниинди,

хъа саспиган затра рукъурадар. Лапра пис гъял ву районарий ва гъулариш! Дурарикан гизафдариш я почтайин отделенийир, я киоскар адар, почтайин ишкIарикан гъа улхурира дарза. Хъа дураг айи аххир!

Ва фици-вушра узу гъаврий адарза : почтайин отделенийир гъаз хъяркъру? Гъаз ахюбсиб пай киоскар приватизировать дапIна ва коммерцияйин хусуситочкийиз илтИкИна? Почтальонаризбиябур апIрубсиб, инсандин лайкъильувал асккан апIрубсиб маважиб гъаз тувра?

Гъарсаб къурулуш пул гъазанмиш дапIну ккунивалиин алауб узуз гъалатIси ва заарлубси рябкъоразуз. Му рякъю хайлин гъагъи, хъа саспиган бедбахтвалин натижийирихъна хуру...

Рябкъюрайиганси, почтара, чан тяйинвал шлуб-къян ярхла дапIну, Интернет-алвер артмиш апIури, пул гъазанмиш апIувалин гъяракатнаш учбIвна. Мидланра савайи, гъамус почтайиъ ахюгъякимари халкъдин хурагси гъисаб апIурайи макарунарра масу тувра.

**Налида КЕРИМОВА**

## НУМРАЙЦЬ УРХАЙ:



### БАХТЛУ УМУР

Гъулли гъул, чан кюгъне тарих-дииинди, уткан йишварииндиси, саб жерге лайкъильувал инсанар ва нумуналу хизанар айивалииндира тафавутлу шула. Гъацдар баркаллу хизанарикан саб Мягъяммед ва Периханум Аьшурбековарин хизан ву..... 10

### ГЪАЛИБ ХЪПАН ИЛИМ



– Дишагълийирин юкъ бисбан спор-тдин жюре артухъди гъисслу, улихъ ккимиidi натижана альгъю апIуз даршу спорддин жюре ву! Гъарсадиҳъна шаклуди янашмиш шлудари, юкъ бисуб дишагълийиз вуйиб дар кIури, гъисаб апIура, амма юкъ бисбаан дишагълийин талитариз сабриражну гъафидар гъайран шулу. ..... 30

### ЖИЛИЖВУВАН НАМУС ВАРИТІАН ЗААН ВУ!



Зейнудин йиз бицIину бай вуйиз, бицIидахъянмина думу дугърисувал ва писвал альгъ апIуз шлур дайи. Гъайванатар гизаф ккунир вуйи, ич дагълар ва яркврар дугъаз хулан пайси вуйи. БицIидахъянмина дугъаз мешебеги хуз ккундийи, гъурхнийи ва диплом гъадабгънийи. ..... 14

### РЯГЫМЛУ ЮКІВ АЙИ ЧИ



Гъелбетда, коронавирусдин вахтна читин графикдиинди лихури гъахъи Минаят учвра пневмония-ийхъди иццу гъахъну. Сагъ гъахъиси, цИийикIултлан ляхнлиз удучIвну. ..... 34

# УТКАНВАЛ ВА УМУНВАЛ... КЬУВВАТ ВА МЮГЪКАМВАЛ



Узу чахъди сюгъбат гъабхурайи инсан макъалайин кІулиз адагънайи  
лишнарин чешне ву. Анжелла Рабадановна Альбуллаевайи ачмиш гъапIу  
ва регъбервал туврайи Сантэфамм клиникайин лишан – му инсафсуз  
вахтнан улихь дурум тувуз шлу, чаъ утканвал ва умунвал қьюватнахъди ва  
мюгъкамвалихъди сатIи дапIнайи орхидея кюкю ву.

**A**нжелла Хасавюртдиъ баб-кан гъахъну. Душваъ дугъу 1985-пи йисан Хасавюртдин 1-пи нумрайин мектеб тафавуттувалиинди ккудубкIну, хъасин думу, ДГМИ-йик урхуз кучIвну, Мягъячъгалайиз удучIвну гъафну. Урхуз дугъаз маракълуди вуйи. Студентвалин йисар дугъу мани гыссариинди кІваин апIуру. Думу йисари дагъмединституттдин выпускникин, кIуруганси, «хиларихъанра, ликарихъанра хъчIирхуй», гъаз гъапиш дурализ аygъювалар туврайидар машгүр

мялимар вуйи. ДГМИ-йин профессорар М.А. Альбуллаев, И.А. Шамов, Э.М. Эседов, З.Н. Зайдиева, М.А. Умаров, Т.Х. Хашаева, М.А. Даниялов, М.С. Михайловский, Х.Э. Къазиева, И.Д. Альханова ва хайлар жарадар. Мурагин ччвурар неинки Дагъустандиъ, хъа гъацира зурба совет уылкейиъ аygъяй.

– Думуган институттдин регъбервал А.М. Голубевди туврайи. Ва ич курс гизаф гужлиб вуйи. Урхуз чалишмиш шлу, чин машгүр ва тажрубалу мялимариҳъан шлуб-къян гизаф аygъювалар гъадагъуз

ккуни студентари, сарихъди сар талитнаъ айиганси, урхуйи, -кІваин апIура Анжеллайи студен-твалин йисар.

Вуз ккудубкIу жигъил духтириш жилириз гъягъюру ва ординатурайиъ жилирияшамиш шулайи Москвойи урхуру. Акушервалин ва гинекологияйин пише дугъу Кулаковдин ччвурнахъ хъайи вари уылкейиз машгүр вуйи бабан ва бицирин сагъвал уьбхру Центриъ (гъамус думу хизан планламиш апIбанна бабвал ва бицIивал уьрхру Центр ву) гъадабгъну.

— Узу 1991-пи йисан мединститут ужудар аыгъювалариинди ккудубкунза. Дидин къяляхъ дерматовенерологияйиан интернатурайиъ гъурхунза, хъасин косметологдин пише гъадабгъунза, фицики думу аыгъювалар узуз дишагълийин сагъламвалин цирклиин биналамиш вуйи йиз клиника ачмиш апIуз лазим вуйзуз, — кIваин апIура Анжеллай.

**— БицIидар учвухъди даршичв абийир-бабарихъди яшамиш гъахъниийин?**

— БицIидар аыхю апIуз няняи кюмек гъапIунчуз, гъаз гъапиш баб ва аба Мягъячгъалайиъ гъузний, узуна жилир ляхниъ шуйча. Няняихъан, гъелбетда, дада эvez апIуз даршлуб аыгъяйзуз, гъаддиз, узуз аспирантурайиъ ва докторантурайиъ билиг давам апIуз ккунди гъабхънушра, юкъур бицIирхъайиган, ктабгъуб алабхъниийзуз. Узу хизан ктабгъниийза.

Вахтра читинуб вуйи. Маважиб совет девринубсиб дайи, ликриин хъузцIийи рякъяр дагну ккундий. Вуздиъра лихури, йиз жилир чатху фирмайин юридический гъуллугъниинра алди гъахъну. Гъадмуган дугъу хусуси ляхин ккебгъуз гъял гъапIину. (Анжеллайин жилир Военный таржумачийири институт ккудубкIоахъан адъюнктурайик урхуз кучIвний, думу ккудубкIину, багъри вуздиъ дарсар киврайи). Гъи думу тикилишчivalин бизнесдиъ лихура, амма адвокатура гатIабхънадар.

— Жилириз кюмек тувбан бадали, цийи пише дубгъуб алабхъунзуз. Тикилишчivalин бизнес ва медицина багахъ ляхнар дар, амма мушваъра, тушваъра саб къадар ижмивал, инсанарихъди гаф-Чал апIуз аыгъювал лазим ву.

**— Хъасин, хусуси клиника тикишигъапIган, подрядчикра, бригадирра, менеджерра гъахъунва ...**

— Ав, думу гъякъ ву. Узу, ккундуш прораб, ккундуш материалихъди тямин апIур, ккундуш бригадир вуйза...

**— Ихъ сюгъбатнаш уву улихъ хъайи вагъундись эуvalikan гъапниийва. Фу мяна а думу гафариъ? Хизандикан, ляхникан,**



Гъарсар пациентдихъна кIваантIан янашмиш шулайи «САНТЭФАММ» клиникайин гъуллугъчириз чухсагъул пуз ккундузуз.

Мина жюрбежюр аыгъвалатариъ ахъдар, саспиган умуд кадабтIну ва бахтлу гележегдин хъуѓъвал илимдрудар гъюри шулу. Хъа духтрари дурагиз бахтлуди яшамиш хъуз мумкинвал тувра.

**Му клиникайиз уж`вал ккун апIураза!**

**гъуллугънаш за хъпакан, пише ктабгъуваликан ясана варибидикан сатIиди кIурава?**

— Улихъ хъайи вагъун гъаци кIура гаф вуйизки, уьмриъ гъам медицинайиъ лихуб, гъамсана хусуси клиника абцуб жигъатнаан ягъур гъабхъунзуз. Узу текрап апIурахъиди, амма бицIидар хъпахъан дуҳтирвал гъибтуз мажбур гъахънииза, гъаз гъапиш иишвандин дежурствийириз гъягъюб ва бицIидариз тербия тувуб сатIи апIуз гизаф читинди вуйи. Хъа МосквайизудучIвну гъушган, хъанара читинди алабхъниийчуз. Мици къаназ давам хъуз мумкин дарувалин, гъелбетда, гъаврий айза, гъаддиз, йиз ляхин ккебгъубан бадали, сифтейин капитал уч апIуз хъюгънииза. БицIидар аыхю гъахъиган, духтрин ляхин давам апIуз гъабхъниийзухъан.

**— Жилири яв цийи ляхнарин тереф бисурайн? Дугъхъан кюмек ануз?**

— Иизжилир фикир дапIуну ляхин апIур ву. Узу медицина уьмурси лазим вуйивал ва думу пише давам апIуз ккунивал дугъаз аыгъяй.

Клиника ачмиш апIоахъна гъязур шули гизаф вахт гъабхъниийиз. Выставкийириз гъягъюзя, косметологияйин жюрбежюр аппаратариикан ва ляхнарикан китабар урхуйза, думу цирклиз лихурайидарихъди, хусуси бизнес ачмиш гъапIидарихъди гафар-Чалар апIуйза. Ва узу аса-субдин гъаврий гъахънииза: клиникайиъ ужудар шараштар яратмис апIуб лазим ву, ва дишагъли чан сагъламвал дурумлу хилариъ айвалиин инанмиш духну ккунду. Гъарсаб месэлайиз коллектив варитетефарихълан либгуру, гъазгъапиш эндокринологириз ва диетологириз алахъру читинвалар авлакъалудар шулу. Гъаддиз гъадму пишекрар сатIиди лихуб аыхю ягъур ву. Хъа думу дестейиъ тажрубалу духтиркосметолог айивал хъанара аыхю ягъур ву.



**—Хасиятниинди, уъмрий диснайи терефниинди уву клиникайиъ, хизандиъ фуж вува: кIакIнапчи дарш буйругъар тамам апIур?**

— Хасиятниинди узу ляхнар ужуйи хъпак умуд кивтур вуз, айлхъюра Анжелла. — Читин айгъвалатнаан рякъ агуз гърган чалишмиш шулза. Гъелбетда, жувуан къувватар дюзди пай апIуб, наан уву кIул'инди ляхин апIуруш, наан артухъси тажруба аи гъарашугъарихъан насигъят гъадагъну ккундущ, гъавриъ хъуб важдилбу ву.

Инсанар кIакIначириз ва буйругъар тамам апIурдари жара апIуб — му лизидизна кIарубдиз жара апIубси вухьиди. КIакIначи-валикан улхуб гъамус модайиъ а, кIакIначивалин лишнар артмиш апIбакан гизаф къадар тренингар, китабар, курсар а. Ииз фикриан, кIакIначи хъуб — му чан нумунайиинди ляхин улупуб, зяиф ва гужли терефарин дюзди гъавриъ хъуб, жаарин фикрихъ хъпехъуб ва жаарин фикрар гъисабназ гъадагъуб, жуву тIянкыид апIбахъан гучI дарапIуб ву. Вари айгъвалатналан асиллу шула: бязиган жягътлувал улупну ва жувуахъди инсанар духну ккундущ, бязиган пассажирин иишв'ин деуб лазим ву. Лазим вуйи айгъювалар ва тажруба адарди, шарттар дивбан ва буйругъар тувбан бадали, кIакIначи хъуз чалишмиш шлудар пис

натижийирихъна гъюз мумкин ву. Уву цийи идеириз ачуҳуди вуди ккундущ, хъа цийи идеириз адарш, ляхин ийбIуз хъюбгъру...

**— Ичв бизнес гъамус хизандину б гъабхууншул...**

— Хизан — му фуну ляхнинра бина ва далу ву. Хулаъ ииз гъавриъ ахъруб ва кюмек апIруб айгъязуз. Узу клиника ачмиш апIрган, ииз ахюнубай Гъазди ва риш Заирайи Англияйиъ университет ккудубкIурайи. Узуз клиника артмиш, цийи клиентар жалб, социалин сестар ишлетмиш апIбаш ва жара ляхнарий кюмек лазим гъабхунийзуз. Хъа ииз бали бизнес идара апIбан факультетдиъ дилаварвалин пише гъадагъурайи. Медицинайин бизнесдин сирар айгъю дапIну, думу клиника артмиш ва идара апIбин эллемшиш гъахънийи. Хъа Заирайи узуз администраторин ляхин апIуз кми-кмиди кюмек апIуру.

БицInу риш Зарема ииз рякъюди гъягъанди ву, дугъаз гъаму иисан медицинайин институтдик урхуз кучIвуз, нейрохирург хъуз ккундии а. Узуна дугъу сатIиди айгъювалар гъадагъурача, думу кучIбан имтиги нариз гъязур шула, хъа узу жувуан пишнейиъ аи цийиваларихъди таниш духну ккундущ.

Гъаци вуйиган, бизнес хизанди нуб ву пуз шула...

Мидланна савайи, узу институтдик узухъуди гъурху Аида Умаровайиз клиникайин кIулин

духтириди лихуз теклиф гъапIунза. Думу гизаф жавабдар ва кIаз хуш шлу инсан ву. Аидайн уъмрин ахъю тажрубайи ва пишекарвалин заан лишнари клиникайиз хайлин хайир хуб айгъязуз.

Ляхин удукъру кас хъуб — му гъарган «ликриин» духъну ва вахтнахъди сабси душну ккундущ, кIурайи гаф ву. Иллагъаки медицинайин бизнесдиъ, гъаз гъапиш учухъна гъюрудари уч'ина чипин сагъламвал ихтибар апIура.

**— Абийр-бабарикан, яв уъмрий шил гъибту инсанарикан сацIиб кидиб...**

— Узу ииз абийр-бабари арайиз адагъур вуза. Ииз дада Мирзамягъядова Написат Бахмудовна Леваши райондин Мекеги гъул'ан ву. Дугъу Дагъустандин гъулан мишиштдин институтдин агрономвалин факультет ккудубкIури. Адаш Мягъядов Рабадан Айгъмедович Куппа гъул'ан ву. Дугъу сифте стамотологияйин факультет, хъасин Дагъустандин гъулан мишиштдин институтдин зоотехникайин факультет ккудубкIури. Республикаин гъулан мишиштдин жюрбекюр цирклар артмиш апIури, гизаф юисари жавабдар гъуллугъариин гъилихн.

Абийр-бабари ииз тереф гъарган бисуи ву ииз метлебар гъевесламиш апIуйи. Узу гъацира ииз мектебдин милямар: химияйин милям Е.А. Пашиц, дагъустан ва урус литературайин милям, мектебдин директор В.Г. Антонюк, физикайин милямар С.А. Дуржинская ва А.Г. Вяльшина ахъю гъюматниинди кIваин апIураза...

— Учу фициб-вуш саб ляхниин гъевесламиш апIуз ккунинган, «Харачатран — барачат» кIуйи ич ахъю бабу. Му гафарин миная гъамциб ву: "Зегъмет ва чалишмиш'вал — ужувлан ва хушбаҳтвалин булагъ ву". Узуз думу гафар Москвойиъ яшамиш шулайи ва лихурайи ихъ ватанағыли Анжелла Рабадановна Айдуллаевайихъди гъабхурайи сюгъбатнан натижийир иивруган кIваин гъахънийзуз.

**Ажа АЙДУРЯГЪМАНОВА**

# «ДУМУ ГЬАДМУ ТАТЬЯНА ВҮЙКІАН...»

Гъубшубдихъна илтікіури, кысматнак дугъаз  
гъаци, хъа жара саягъ дарди, яшамиш хъуб  
дибикіну хъувалин фикрихъна кми-кмиди гъюрва.  
Жюрбежюр далилари арайиз гъахи гъядисийирин  
жергера вахт гъябгъбаҳъ дугъу вари терефариан  
албагну, инсанариз, чан ученикариз лазим вуди  
гъисс апіру уымрин царназ дюзмиш гъабхъну...



## ВАРИ ХИЗАНДИХЪАН ВУ...

– Гъамусра дадайин улихъ сабражнү гъамци уымур дигишиш апіуз къаст апібан ва млялимвалин ляхнихъан ярхла вуйи бизнесдихъ хъюгъбан йиз гъаврий ахъуб ккун апіурза,- кура Цийи Къулийин Амет-Хан Султандин ччвурнахъ хъайи 2-пи нумрайин СОШ-дин директор Татьяна Мягъямевна Айгуновайи.

– Учвузра аыгъячвуз, 90-пи йисари халкъди яшамиш хъуз чарийир агүйи, хизандизипрүбгъазанмиш дапіну ккундийи, хъа млямимарин маважибар фицдар вуди гъахънуш, учвузра ужайи аыгъячвуз. Узу узлан айиб алдапіурадарза, зарафатар апіура дугъу,- амма, аыгъячвуз, млялимвал ийизуб, ифдик кайиб, думу узу айиб вуйивалин ва, хъасин швумал дархъбан бадали, дурум тувну ккунивалин ари гъадмуган гъаврий ахъунза. Шаксуз, узу пише ктабгъбаз дадайи, гъйт женнетдіш ишри думу, тясири гъапінийи! Математикайин дарсар кивру млялим Миясат Къурбановна Айгумова мектебдіш ягъчівур йисантіан артухъ гъилихну, ва учу аышкъниинди урхайча, дадайихъди мектебдіш мучіу хъайизкъан гъузайча. Адаш Лениндин ччвурнахъ хъайи колхоздіш шоферди лихурайи. Думуган думу зурба хутілар, йимишдин багълар, малдарвалин

фермийир, агъзариинди чарвийир аиқіакіначи колхозвуйи. 1944-пи йисанадашдин вададайин абыириин хизанар Къули райондин Къули гъул` ан гъамусдин Цийи Къули гъулаз гужниинди кюч гъапінийи. Йиз аба Рамазан Айгумовди Дағъустандіш совет гъюкүм идара апіури гъахъну, колхозар къурмиш гъапіну, гъулан Советдин председательди, колхоздин председательди гъилихну. Йиз адаш ухди колхоздіш лихуз хъюгъну. Думу зегьмет зигуз ккунивалинди, дугъривалинди тафавутлу шули гъахъну. Хъа дадайихъди думу гъамцитанишгъахъну! Адашди хаябяхъдин мектебдіш урхурайи... Ва сабражнү, дада дяркъыну, дишлади дугъин юків улубкъыну. Гъацикъан, гъятта чаз швшувди гъюз разивал туваизкъан архайнди гъитундар.

ДГПИ ккудубкіу Миясат Къурбановна улиkk ккахъурсир вуйи. Хъа дугъу ялхъван фици апіуйи! Ул алдабгъуз шулдай!

Институт ккудубкібахъан дада комсомолин райкомдин сарпи секретарди гъилихну, дугъан улихъ ахъю гъуллугъар хъайи, амма млялимвалихъна вуйи дугъан гъевес гужлиб гъабхъну, ва думу мектебдіш лихуз гъушну. Хулаъра вары ляхнар апіуз хъуркъуи. Ич хулан мишишатдіш адруб адайи! Къандиси хизан Буйнагъскіз кюч гъабхънийи. Баб лихуайи, бамбин

фуфайкіир дирхуи, уыл убжуйи. Дугъаз зегьмет зигуз ккунивалин ич хизан думуган гаш'валихъан гъюбхнү.

1945-пи йисан Буйнагъскідіш дурари Гъалибвал къаршуламиш гъапінийи. Дадай думу үйгъ кми-кмиди ківаин апіуйи: ахъюдарра, бицидарра, шадвал апіури, Буйнагъскідин кючиирий жаргъуи ва «Гъалибвал!», «Гъалибвал!» кури, чигъяр апіуйи.

## ДИРЕКТОР КІУРУ ПИШЕРА АЙИБ ВУ

Гъи мектебдин директори хайлинубдикан фикир апіура.

– Узуз мектеб гъаци саб лихру ииштіан дарди дарзуз, думу къайдадарди гъибтұз даршлу хал вузуз,- ктибтура дугъу.

Татьяна Мягъямевнайиз мурар заан гафар дар, хъа гъарсар урхурайирихъди гъабхурайи гъаригъандин ляхин ву, урхурайидарихъанди, инанмиш ву директор, хизандихъди сатілди мектебдира жавабдарвал гъабхура.

– Мектебди ерийин аыгъювалар түвнү ккунду, гысаб апіура директори, – ва гъаму деврин мектебари аыгъювалар түвбан цийи стандарттар къабул апіура. Цийи китабарашлетміш'валиштільбахъна янашмиш'вал дигиши шула. Цийи къайдайриинди гъарсаб

китабдиз экспертиза-заключение хъуд йисазди тувну ккунду, ва экспертири гъарсаб китабдин жавабдарвал гъабхуру. Мидланра савайи, китабарыгъюваларт тувбан цийи стандартариз жаваб туврудар духьну ккунду. Аыгъюваларт тувбан хутлийцийитумар дурзну ккунду, – кIура Татьяна Мягъямедовнай.

Дугъу гъийин образованиеиъ шлу дигишваларихъ ул хъипна, гъаци гъабхьиштлан образованиейин цийи стандартариз жаваб тувуз даршлуб гъисаб апIури, гъаддиона колективра жалб дапIна. Узу дугъхъан ЕГЭ-ийхъна чан янашмиш'валикан гъерхнийза.

– ЕГЭ-ийн гъякъанаан гъюжатар апIуб сарун накъдин иiggъву, – кIура дугъу, – дидин гъякъанаан ахъира дарди гъюжатар апIуз, дидиль ужубра, харжибра абгузшулу. ЕГЭ гъабхан дережа гъарган дигиш шула.

### **ККУДУБШУБДИХЪНА ХЪТАРКУБ...**

Ихъ уълке дюн'яийв варитлан гизаф урхру уълкеси гъисаб апIури

гъахъну. Инсанари классика, чин деврин авторарин эсерар гизаф урхуйи, гъамус, гъайифки, аыгъвалат дидиан дигиш гъабхъну. Думу вахтнахъна ухбу кми-кмиди къяляхъ хътаркури шулхъя.

Аыгъязуз, улихъдин вахтари халис мялимди уымрин аьдати ляхнарикан улхуб дугъаз ярамиши даруляхинси гъисаб апIури. Ва узу, ииз уымрий варии дигиш апIуз къаст дапIну, 90-пи йисари бизнесдихъ хъюгъиган, дадай ууз тягъна гъивундайи, думу варибдин гъаврий гъахънийи. Бизнес ииз уымрий саб вахтназубчIвнайи бва ухди-къанди узу ииз пишнейхъна къяляхъ гъюруб учуз къориддизра аыгъяйчуз... Сифте учу милин-тилиин шей'ар хури бизнес ккебгъунча, къандиси шекер гъясил апIру цех ачмиш гъапIунза. Яни, узу хликк ккабхъу фуну ляхнихъра хъюгъойза...

### **АСАСУБ – ХИЛАРИС ДАРАПИУБ ВУ**

Татьяна Мягъямедовна, читин аыгъвалатнаа ахъган, къяляхъ зиг-

рударикан дар. Дугъаз гизаф аыгъапIуб ва предпринимателинра, райондин «Вахтнан сес» газатдин журналистдинра йиш'ин хъуб алабхъну.

-Натижа фициб шулуш аыгъдаршра, узу ляхнихъ хъюгънийза, ва удукунийзухълан,- аылхъюра думу.-2009-пи йис вуйи. Узуз Ново-стройин отделин редактор хъуб табшурмиш гъапIнийи. КIваин илмийиз, думуган узу гъарган командировкийирий шуйза, инсанарихъди гизаф гаф-Чал апIуза, дурарик гъалаб кипруб варии улупуз чалишмиш шуйза, – кIваин апIура Татьяна Мягъямедовнай.-КIул'ин гъадабгъурза, рягъяди дайи. Амма узу гъарсаб гъапи гафнан жавабдарвал гъабхуз чалишмиш шуйза. Хъуд йисан газатдий дилихну, узу сабанра швумал гъахъундарза. Ииз мюгъкамвал ахтармиш апIурайи къисматнан царналан аырз апIдайза. Артухълама, сифте гъулан Собраниеин, хъасин райондин Собраниеин депутатди кадагъну, инсанари уз'ин хъугъвал гъапIнийи.



## УЛАРИКК ХҮБ...

— Фици вушра, узу инсанарин уларикк гъахьниийза, — күра Татьяна Мягъямедовнай,- фуну ляхнизра гъацI күувват тувну гъибтуз дуршлуган вухьиди. Дадай узуз гъарган күйи: сифте классдиль къайда апIин, анжагъ хъасин ляхнихъ хъюгъ.

Дадайн дарсар! Дураг саб вахтнара кIаълан гъягърудар дар. Чан тереф убхюри хувализ, фикир даралыди вуйи ляхнарихъан урхювализ, лазим вуйи насыгъятар тувувализ Татьяна Мягъямедовнай чан дадайиз аферин кIура. Хъа дадайн асас насыгъятгъамциб вуйи: бицIидарихъна ккунивал адарш, халис млям хъуз шулдар. Мунасыгъят Татьянайин кIаан саб вахтнара утIубхидар.

— Ахирки узу мектебдиз къялхъ гъафнийза. Новостройиз урчIувуб гъул дахил шула,- ктибтура Татьяна Мягъямедовнай гъийин ийгъкан, — узу директор вуйи мектебдиз 315 ва 140 урхурайиз иишв айи кьюб дарамат дахил шула. Кьюб сменайиъ мушваъ урчIувудварждилан артухъ урхурайи альгъовалар гъадагъура. Иишвар жигъатнаан мектебдиз гизаф читинвалар а. Дидин гъакънаан райондиан республикайин гюокуматдиз гизаф ражари ил-ТикIину, ахирра, алава корпус тикмиш апIуз гаф тувну, мектеб реестрик кипну. Учухъ гъеле гизаф ляхнар кIулиз адагъуз пулин дакъатар гъуркIрадар. Ва мектебдиз актовый зал адар, амма кьюб спортзал, футболин бицIимайдан, гимнастикайин майдан а, гъаци вуйиган, фицдар вушра рекордар дивуз мумкинвалра ачуз!

Татьяна Мягъямедовнай цифровой ва гуманитарный профиларин образованиеийн центрар тешкил апIакан чан хиялар аышкъининди ктибура. Гъуларин ва бицIи шагъарин мектебарин бинайин «Точки роста» тешкил апIура. Дидин метлеб — му ккергъбан ва уьмуни образованиеийн дережайиль альгъовалар ва тербия тувбан цийи къайдийр ва технологийр тауб ву.

## АЛЬГЬЮВАЛАР ТУВБАЛЬ ЦИЙИ КЪАЙДИЙР

Эгъемият бицIиб дарувал гъаддиль аки, думу центрар гужли компьютерар, видеокамерийр, 3D-принтерар, тренажерар-манекенар, квадрокоптерар ади тешкил апIуру. Ва думу гъякъыктай ву.

— Центрары бицIидариз командаиль лихури вердиш, жюрбекюр конкурсары иштирак хъуз гъязурлугар гъахуз мумкинвал тувру. Гъаддиз гъуларин мектебарин млямари бицIидарин «Кванториум», «Точки роста» кIуру технопаркарин бинаийин чин альгъовалар за апIуру.

Узуна Татьяна Мягъямедовна мектебдиль гъилицнийча: дугъу узуз ачухъ классар улупний, альгъовалар тувбан ляхин ужу алапIан гъякъынаан чан планарикан ктибтний.

— Мектебдиль албагу коллектив айич, учу саб хизанси вучу, — ктибтура директори.

Гъякъыктадиъра, учуз гъаншарди машнак инчI кайи, уж' вал ккун апIуру млямар дуфну деъний.

— Ич коллектив жигъилуб вуйич, — кIура Татьяна Мягъямедовнай, — амма узу гъийин деврин мектебдин насларин тажруба сари сарихъна тувуб гъисабназ гъадабгъураза, диди ужубнатижайхъна хуру. Мектебдиль йислан-йисаз медалистарин къадар артухъ шула. Амма думу ич асас метлеб дарич, ляхнин натижаву. Хайлничвыпускникар Москвойин адлу вузарик рягъяди кучIуву.

Машгъул вуйи инсан Татьяна Мягъямедовнай учу багъри мектебдихъан жаради фикриз гъадагъурадар. Дугъаз командир пуз шулин? Ваъ. Хъа гъаз вуш, альгъачувуз? Думу гъарсар млямидихъди ляхнин гаф-Чал апIуз чалиши млям шулу, кми-кмиди млямари дарсариз гъягъюру, млямидин хиль класс бегъемди аш, дарснина отличникар ясана вари урхурайидар жалб дапIнаш, дугъаз рябкъюру.

Ерли гъюкмин гъуллугъари чин мектебдиз фициб кюмек апIураш, гъерхийза Татьяна Мягъямедовнайхъан. Думу гъялхъний:

— Ич цийилак райондин глава М. Айдиев неинки мектебдин лях-

нарин гъялниин маракълу шулу, хъа гъацира, образованиеийнди млям вуди, дугъаз млямдин пишнейикан ва ляхникан, гъял даралык месэлйирикан альгъя ва мушваъ шлу гъарсаб гъядисайикан гъарган хабар ади шулу. Варибиз дугъу фици вахт абгуруш, альгъада-рзуз. Бажаранлу руководитель ву. Вари цирклариан кIул адабгъуру... Татьяна Мягъямедовнай гъапиганси, цийи иисан гъарган райондин главай урхбай отличники из грамотийр ва пешкешар тувру, хъа вузарик хъуркъувалинди урхурайи выпускникар-медалистар къиматлу пешкешариинди лишанлу апIуру...

Ва «Айдиевдин елкайихъна» гъягъюб — му урхурайидариз варитлан заан пешкеш ву.

## ХИЗАН ХИЗАНСИБ ВУ...

— Хъа хизан фици вуяв? Багъридарииз фикир тувуз хъуркъраву?

Татьяна Мягъямедовнай хъана машнак альхъюб кади жаваб тувний:

— Далу мюгъкамуб вуйиз, душманихъан гъюз хъибдар!

Ав, дугъридан, душманихъан гъюз хъибдар. Муарин бай Азамат УФСИН-диль лихура, эвлениш духына, кюор бицIир хъа. Дугъан хипир Карина лезги дишагъли ву. Ва Татьяна Мягъямедовна дугъкан гизаф разиди ву.

— Ич хизан жа-жара миллетарин вакилари кан ибарат вуйич, — кIура Татьяна Мягъямедовнай. — Карина дишла ич яшайишдихъди албагний. Дугъу ДГТУ ккудубкIину, хъасин млям-дефектологдин образование гъадабгъуну. Учу сарласариз багъри инсанар вучу.

Дугъридан, жуву жуву заанди улулупри, хизандиль айидарихъ хъпехъури, албагну сатIиди яшамиш хъуз альгъовалар ишмрин аяңдарвалра а.

— Узу млям вуза, ахир! — хъана зарафатниинди кIура Татьяна Мягъямедовнай. — Хъа хизанди, коллективдиси, жуву жуву ин лихуб гъарган таалаб апIуру...

Айшат ТАЖУДИНОВА



# Дюишинаң гүрүш

**С**алам, хъирг,- шли-вуш узу яващди түүрччуу-  
райи,- яв станция гъубашну.

– Вуйин?- узу гъаврихъ хъадурсси айза.

– Рякьюразуз: уву вува, даахнава,- айлхъюри күрайи  
шли-вуш таниш сесниинди.

Амма узуз думу айгъю шуладайзуз. Юруш таниш-  
шуб вуйи, амма ачухъ даруб. Ба узу, нивкүун перде  
алдаппуз чалишиши шули, хлин гагъахъди улар  
гъитпиршнийза. Вуйиштлан, чархарин текрар шлу  
сесну узу ахуз кканьу.

– Салам,- айхирки дугъан салам гъадабгъза,- ав,  
гъаахнийза, хъа му фу станция ву?

– Гъамус «Аннино» хъибди, – жаваб тувний таниш  
дару танишури.

– Эгъ, шейтлан, ккадаппиза,- гъедергнийза узу.

– Узура,- гъяялхъний бай.

Поездди тормоз гъивнийи, ва узу, къан алпуз гучи  
кайирсигъедергну, вагъундиан удучпиршнийза. Къяляхъ-  
ди жигъилра удучпиршний, дугъан ччвур, мелзниин  
алшра, гъич күвайн шуладайзуз.

– Хъа узуз уву вагъундиль гъяркънийзуз, багахъна  
гъюз гъабхъундайзухъан, халкъ гизаф айи, уву гъу-

дужиган, салам тувдиза күри, фикир гъаппийза,  
хъа уву «Янгелий» хъиргнийву, яв станцияйилан  
улдучпуввалин гъаврий гъахънийзу,- къялхъян циб  
гъялаки сес гъюрайи.

– Чухсагъул увуз,- айлхъюб кадиси гъапиза бализ.

– Чухсагъул пуз ляхин адар,- жаваб туври, думура  
гъяялхъю. Жамилияра дуфнайин?

– Дима!- узуз дишла дугъан ччвур күвайн гъабхъ-  
нийзуз.

– Узу дугъаз зенгар алпурги гъахъунза, телефон «зо-  
найын ади» шулдайи, хъа яв номер узухъ хътайзухъ,  
– дугъан машнакан инчпиршний.

Му герендиъ узуз ккуниб ялгъуз саб вуйзуз – гъер-  
губ, дургуб.

Гъаму арайиъ къяляхъ терефназди гъябгъру поезд  
гъафнийи, ва узу, гъергуз чалишиши шулайиган-  
си, раккнар арццнайи вагъундизди урснийза. Йиз  
къяляхъди гъафи Димайи фу-вуш күрайи, амма  
поезддин сесну дугъан гафар ерхъуз гъитрадайи, хъа  
узура дугъукүрайибдихъ хъпехъурадайза. Узу дугъаз  
тувру жавабнакан фикир алпурайза. Хъа рякъ ярхиб  
дайи – саб станция.

Вагъундин раккнар цийикIултIан арцнний вазу, перрондина удучIвну, гъялакди ликар алдагъури, эскалаторихъна гъягъюз хъюгънийза. Узуз фукIа ебхъурадайзуз ва фужкIа рякъюрладайзуз. КIулий либцурайб ялгъуз саб фикир вуйи: «Дугъаз фици пиidi?»...

– Мади,- къялхъянди Димайнин гиран кайи сес гъе-ебхънийзуз,- мегъерган, вуйибси йип.

– Фу ебхъуз ккундувуз? – дугъахъинди къяляхъ илдицнийза.

– Думу чан миллетдин бализ шуваваз гъушнийин?- Димайнин улар пашманвали ацIнайи.

– Ав! – гъялакди гъапнийза узу ва рякъ давам гъапIийза.

– Йип дугъаз, фици вушра узуз думу ккундузуз,- ебхъури-дейребхъри гъапнийи дугъу.

– Ишбри,- жаваб тувнийза, му гаф шлубкъан вижна-сузди пуз чалишмиш шули, амма гъабхъундайзухъан, узухъра хълбехъди йиз уларилан нивгъар рузуз хъюгъний. Гъялакди гъягъюз чалишмиш шулайир, лик хъабхъну, алдадакди саб нут имийиз.

– Ихтиятди, наана жаргъурава?- Димайи алдакурайи узу гъочIккан гъидисний.

– НаанкIа,- чкиди нивгъар марцц апIуз чалишмиш шули, гъапнийза узу.

– Уву гъаз ишурава?- Дима гъарганси гъайгъушналь гъахъний, ва узу гъятта гъамцир жигъил Джамкайиз дихъбин гъятта бахилдира гъахънийза.

– Гъаци,- жаваб тувнийза, ва нивгъар цийикIултIан крузуз хъюгъний.

– Уву дицикъан дерд мизиган, гъаци дугъаз ужууди вушул, ичв душваь ичв къанунар аичв аххир,- Димайи йиз хлизди циб чашмиши ягълухъ ивний,- гъаци йиз гафар дугъаз йип, сарун фукIара.

– Пидарза,- яваш сесниинди жаваб тувнийза ва циб архайн гъахънийза.

– Гъайиф,- жаваб тувнийи Димайи, амма саб герен-дилан альава гъапIний,- увуз думу гъяркъиган, йип, саризра аygъю дархъуз.

– Узуз думу рякъидарзуз,- даргъну жаваб тувза.

– Учуу гъярхъунчва дарш,- мюгъталди гъерхнийи Димайи.

– Думу сарун саризра рякъидар, сарун думу имдар,- яваш сесниинди гъапнийза узу.

– Фици имдар? – Димайнин маш лизи гъабхъний.

– Думу деетну ккундайи,- жаваб тувнийза,- узу увуз курдайин, ахмак!

– Фу гъабхъну? – Димайи узу гъюнарихъан гъидис-нийи.

– Вари гъабхъну,- узу архайнди дугъан хилар йиз гъюнарилан алдагънийза,- думу деетну ккундайи.

– Дугъу сумчриз гъягъюрза кIуи аххир,- Дима чкиди улхуз хъюгъний.

– Узу узу вуз, узу жара райондиан вуз, учухъ дициб шулдар, хъа дурагири шулу,- узу Димайнин улариз дили-лигиз чалишмиш шулайза, дурагири гъациб дердайки.

– Фу шулу?- сабпну Димайи гъациб чIигъ гъапIийики, гъятта кючейиъди гъягъюрайидар къяляхъ илдицний.

– Дима,-архаинди гъапнийза узу,-увуз гъябкъонвуз аххир, узу гъулаз гъягъюз, хъа думу вав.

– Дугъу дадайихъди гъулхунза ва гъаддиз гъягъюр-дарза кIуи,- Дима ишурайиганси гъибгънийзуз.

– Жилирихъан жара духънайи думу ялгъузди Моск-квайиз гъушну, мициб ляхин гъапIур дурагири йивну икIури шулу,-узу фукъан чалишмиш шулашра, йиз дюднигъна гъумбек цийикIултIан гъойи.

– ГъапIру йикIуб?- чашмиш гъахънийи Дима.

– Думу...думу...,- фу-вуш пуз чалишмиш гъахъ-нийи Дима.

– Сарун думу имдар,- узу Димайиз артухъеси иццу апIуз чалишмиш шулайиганси гъибгънийзуз.

– Дада вуйи аххир, дадайгъапнийи, чуччун сумчриз гъач, кIури,- Димайи чан хъюхъникк фу-вуш альакъа адруб кIурайи.

– Ва думу деетунза,- ишуз хъюгънийи Дима.

– Дугъазкъурхуайбайгъюдигъабхъундарзуз, учухъ дициб шулдар, дурагирионди гъацдар альдатарайб аygъюзуз, амма дицисдар дююшшар даршули гизаф вахт вуйи, чав гъапIраш дугъаз чаз ужууди аygъяшул кIури, фикир гъапIнийза,- узлан тахсир илдипуз чалишмиш шулайирси айза.

Дима ишурайи.

– Дугъу душваь чиндарикан сариз шуваваз гъягъюз разивал тувуншул кIури, фикир гъапIнийза, фу-вуш шулу аххир, – ишурайза узура.

– Вягъшийр! – гъапи Дима.

– Мушваь учву сатIиди гъяркъну,- узу Димайи туву ягълухъи хъди нивгъар дисуз чалишмиш шулайза,- дугъазра, дадайизра кучIлар гъапIну, дадайикна дугъаз жам гъидихъунчуз гъапну.

– Мушваь сар сарихъди гъягърудар циб айинхъа,- юкIв абцIну гъишнийи Дима.

– Дурагири учву квартирайи сатIиди яшамиш шу-лайб аygъю гъабхъну,- давам гъапIнийза.

– Думу ляхниш фу мяна а?- күшкүшар апIурайи Димайи,- фу мяна а?

– Тухумдилан айиб марцц апIуб,- къуруди жаваб тувнийза,- уву гъаврий ахъидарва.

– АйзадибикIну, жаза тувну ккунду,- гъапи Димайи.

– Мяна суз ву, душваь варидаиз вары аygъя, мили-цияйизра, полицияйизра,- узу улар ульчIюкънийза, узхъан сарун Димайихъинди лигиз шуладайзухъан.

– Ва гъаму вари ихъ улькейи,- чан кIул гъибиснийи Димайи.

– Думу увухъди бахтлу вуйи, дугъаз уву ккун-дийи, уву дугъаз бахт пешкеш гъапIунва,- гъапиза Димайиз.

Димайи туву ягълухъ хлий дючIюкъну, узу аллея-ийиъди гъудучIвну гъушнийза, сарун я нивгъар, я гъиссар имдайи. Амма узу фуарган шадди ва машнак инчI кади рякъюри шлу, хъа гъамус ишурайи Димайихъинди лигиз күвватра имдайзуз. Узу къяляхъ илдицди гъягъюрайза, хъа узуз жаргъуз ккунди айзуз...

АЫГЪМЕДХАН ЗИРИХГЕРАН

# Бахтлу уьмур

Гъулли гъул, чан кюгъне тарихдииндиси, уткан йишвариииндиси, саб жерге лайикълу инсанар ва нумуналу хизанаар айивалииндира тафавутлу шула. Гъацдар баркаллу хизанарикан саб Мягъяммед ва Периханум Аьшурбеговарин хизан ву. Хъа думу хизан фтиинди тафавутлу ву? – кIуру суалназ гъамциб жаваб тувуз шулзухъан. Саб кIуруб, му хизан гъулаъси, райондин агъалайирин арайиъра гъюрмат айиб ву. Мягъяммед халу райондиъ заан аygъювалар айи арфарбан ву. Му ляхнихъ думу совет деврианмина хъа. Дугъаз гизаф къадар ученикар – жигъил арфарбанар а.

**М**ягъяммед халу чан вахтна райондин улхъан жергэйиъ айи мялимариканра сар вуди гъахъну. Аьхирки, дураг гъулан варитлан ахю яшнан агъалайирра ву. Дурагин яшар миражицIурилан зина душна. Мягъяммед халуна Периханум хала 13 веледдин адашна дада (дурагинан гъи 10 велед сагъ-саламатди ими), 35 хутлин ва 43 гудлин ахю абана баб ву.

Мушвахъди сабсана маракълу гъякъикъатдикан мялумат тутрувди гъибтуз шулдар: 83 иис дубхънайи агъали ксар кюйир битмиш апIбииин машгъул ву. Дураги битмиш апIурайи кюйиригъ гъизилгюл кюйири асас йишв бисура.

Учу Мягъяммед Аьшурбеговдин хуларихъна хъуркърайиган, думу чан урнарихъ учуз килигүри дийигънайи. Учу гъеле урнарихъ хъимиidi дугъу учу са-сарди хабастьay, хуш-беш гъапIу ва, хулаг теклиф апIури, улихъ гъучIву. Гъятдин учIву учу кюкдин багъдиъ ахънийчу. Мушваь гургутум кивнайи гъизилгюлери кюкю адабшвнайи. Гъятдин гъацира дагъларин марщци гъава, кюйириин ниърахъди дикикыну, хъана ицциди албагнайи. Гъятдин фуну терефназди гъилигишра, учуз рябкъюрайиб анжагъ кюкю вуйи. Хул'ан хурагнанра

ицци ниъ гъюрайи. Узу саб дупну женнетдин багъдиъ айиси гъисс гъапIиниза.

– Кюйирикан хъана улхидихъя, гъамус ухъуз кейванийи хулаг теклиф апIура, – дупну, Мягъяммед халуий ич фикир чахынди жалб гъапIу. Мягъяммед халу ич улихъ гъучIву – учура дугъан къяляхъди гъушча. Учу хулаъучIврган, суфра албагну, учуз гъязурди дийигънайи. Суфра тярифназ лайикълуди албагнайи, хъа узу дидкан улхидарза... Хураг ипIбалан къяляхъ, суфрайихъна чай гъабхнийи. Чайрахъ

халуйихъна илтIикIза: «Учву ахю яшдубхънайи къаби адмийирвучва. Кюйириин машгъул хъуб жигъиларин ляхин ву, кюйир битмиш гъаз апIурачва, дарш дураг масу тувранчва? Кюйириин муштарийр учвухъна гъюри шулин?»

«Ваъ, уву фу кIурава? Кюйир масу тувну пул гъазанмиш апIуз учуз мюгътаж'валадарчуз, къориддира ужуб пенсия гъадабгъурача. Баяр-шубар вари чпин хизанарихъди чпиз ккунибси яшамиш шула. Шагъариъяшамиш шулай баяри учузрачпихъна яшамиш хъуз

Саб къисайиз асас вуди, гъизилгюл женнетдин кюкю вуди гъабхъну. Женнетдин айиган, дидик зазар кади гъахъундар. Адам абана Гъява баб, чпикан ктубчIву гуннагъдиз жаза вуди, женнетдиан утIурккиган, къизилгюлик зазар киршну, кIур. Къизилгюл гъи, чак зазар кашра, мюгъюббатдинна вафалувалин лишанси гъисаб апIура. Къизилгюл табиастьдин успагъивал улупру лишан ву. Табиастьдин успагъивал рябкъру кас ужур, жумарт юкIв айир, инсаният ккунир ву кIури, дикикIна сар аьриф касдин китабдиъ», – ккудубкIиний Мягъяммед халуий чан маракълу сюгъбат.

хъивру тадарукаригъ, гъелбетда, саб-швнубийчвайи гъабра гъайи.

Уъл ипIбалан къяляхъ хъана хяна назудучIвча – кюйириин вилаятдиз. Кюйириин багъдин успагъивали инсан гъайран апIуйи. Му багъ гюзлемиши апIури, узу Мягъяммед

гъачай кIура, хъа учу гъягъюри адарча. Женнетдин багъсиб кюкдин майдан, гъарийисан жюрбекюр иймишарин булди бегъер туврайи багъ дипну, учу наана гъягъюри. Кюйир битмиш апIувал учуз машгъулат вучуз. Кюйир жилин успаг-



Мягъямед Къурбанович Ашурбеков 1937-пи йисан Табасаран райондин Гъулли гъулаш неж-брин хизандиъ бабкан гъахыну. 1953-пи йисан Шил'арин ургудайисандин мектеб ккудубкы жигъили урхуб Гум'арин къялан мектеб-интернатдиъ давам апшуру. Думу Гум'арин къялан мектебдин сарпи выпускникарин жергейиан ву. 1957-пи йисан къялан мектеб ккудубкы жигъил сад йисан гъулаш гъузру, къаби адашдиз хулан мишишатдин ляхнариш кюмек апшури, хъа 1958-пи йисан думу Ворошиловград областдин Буково-Атнацитовский райондин дахилнаш айи 53-пи нумрайин шахтайиъ лихуз хъюгъру. Сад йислан думу багъри гъулаш хъадаркну гъюру ва Къужник гъул'ан вуйи Периханум къуру шурахъди хизан ккебгъру. Ужуб билиг ва умренин тажруба айи жигъилиз шил'арин къялан мектебдиъ ккегъбан классариш мялимди лихуз теклиф апшуру. Гъаддихъанмина Мягъямед Къурбановичди 38 йисан мялимвал гъапшну ва чав тамам апшурайи ляхниш ужудар хъуркъувалар улупну, гизаф къадар жюрбекшор пешкешариз лайикълу гъахыну.

гъивал, такабурвал ву. Кюйирин гюрчегвали инсан гъайран апIуру. Гъизилгюл кюкю узуз варитIан багъа кюкоси рябкьюразуз. Думу аршдин тамамвалин лишанси ва жилин мюгьюбатси, девлетси, аваданвалси рябкьюразуз.

Узуз пуз ккундузушки, дугъриданра, думу учвра гъацдар инсанарикан ву. Фици дарди шулухъя, дугъу чан вари уымрий успагыи кюйир битмиш апIура, инсанариз шадвал хура, чан багъалу уымрикан 38 йис жигъил наслариз аygъювалар ва тербия тувбаз бахш дапIна. Дугъахъна дармнлиз сивун

**Периханум Аьшурбекова 1939-пи йисан Табасаран райондин Къужник гъулаь гизаф бицIидар айи хизандиь бабкан гъахъну. Къужникарин мектебдиь 7-пи класс ккудубкIбалан къяляхъ, дугъу Табасаран райондин халачайир гъясил апIру фабрикайир халачачиди лихури, чан зегъметнан рякъ башламиш апIуру. Думуган Периханум гъудуркъу устад вуйи, фицики табасаран шубари халачи убхуз набалугъ яшариль амиди дубгъуйи. Гизаф гугар ккайи 1-пи сортнан халачайир гъясил апIру Периханумдин шикил гъюматнан доскайик гъарган кади шуйи. Жюрбежюр йисари Периханум Аьшурбекова Къужникарин колхоздиь, «Труд» ва «Къужник» совхозарий лихури гъахъну. Мидланра савайи дугъу гизаф йисари чан жилирихъди Табасаран райондин ярквран мишиштдиь арфарбанвалин вазифийирра кIули гъахури гъахъну.**

марцци ииччв ккунди, гизаф къадар инсанар гъору, амма чахъна гъафи кас сабанра дугъу къяляхъ уларди гъаундар. Ужур хъпан бадали сарун фу лазим вухъя?

Арфар урхювалиин фици машгъул гъахъунва, кIуру йиз суалназ дугъу гъамциб жаваб гъапIнийи.

«1966-пи йисан ДГПИ-ийи урхурайи вахтна яманди ктлерцннийза. Узу кирайихъди дубиснайи хулан эйси Иван Афанасьевич тажрубалу арфарбан вуйи. Дугъу чав арфарилан гъясил гъапIу жюрбежюр тадарукар ишлетмиш апIури, узу сагъ гъапIнийи ва гъулаз гъушган арфар ккергъуб теклиф дивнийи. Теклиф тамам апIуз хъюгънийза.

Жара арфарбанарихъди таниш гъахънийза, гизаф къадар тялукъ литература гъурхунза. Ккудубшу аьсрин аьхирариь «Варатоз» клуру уъзиран табасаран райондиь айи ми-мидарди вари арфарин мишиштар ккадаҳъний. Гъуздар лап цIибтан имдайи. Думуган йиз арфар вари сагъди гъузнийи. Думу йисан гизафдариз кюмек гъапI-нийза. Гъадрихъанмина гизафдар арфабнари чипин арфарин гъял ахтармиш апIуз ва чипиз хайирлу теклиф агури узухъна илтIикIуи. Гъамусра кюмек ккун апIури узухъна илтиктрудар гизаф а. Узу

«Мялимвалин зегъметнан ветеран» шагъиднама тувну. Аргъаж шулайи наслиз заан аygъювалар ва тербия тувбаз лигну, 1987-пи йисан думу РОНО-ийин терефнаан гъюматнан грамотайихъди лишанлу гъапIну. Мягъямед Аьшурбеков спортдин талитариъра аьшкыниинди ишириак шуйи ва пешкешнан иишвар гъазанмиш апIуи. Гъаци, 1978-пи йисан 23-пи февраляхъди альакъалу вуди тешкил гъапIу шашкийир уйнамиш апIбан талитариь 1-пи йишв гъазанмиш апIбаз лигну, кубокра, сабпи дережайн дипломра дугъаз тувнийи. 1973-пи йисан РайОНО-ийин заведующийин ва профсоюздин терефнаан думу, урхурайидариз заан аygъювалар ва тербия тувбаз лигну, Гъюматнан грамотайихъди лишанлу гъапI-ний. Му пешкешар дугъаз чахъ урхурайи баяр-шубар райондин ва республикайин дережайир гъахру олимпиадийир гъалиб хъпаз ва жара конкурсанар ишириак хувализ лигну тувдарра ву.

Мягъямед халуйин уымрин юлдаш Периханум халара гъаци жумарт юкIв айи дишагъли ву. Дугъан кIван жумартвал дугъу 13 веледдиз умур, дурагъа хъодапIну, дурагиз ужуб тербия туувалий рябкьюра. Ихъ гъийин материалин асас иgitra Периханум хала ву. Узу дугъахъди сад-швнуд йис мидиз улихъна таниш гъахънийза. Думуган Мягъямед халуна Периханум хала Хюриккна гъафнийи.

Гъамус, учу дурагиҳъна хяларди гъушган, дурагин юкIварин жумартвал, мелзнан ширинал, гаф-Чалнан устадвал, кIван рафтарин марццивал мюгъкамдар вуйиб аygъю шуйи.

Бажаранлу кас вари ляхнарий бажаранлу ву кIуру абийирин мисал тасдикъ апIури, чав тамам апIру вари ляхнар дугъу чаз баркаллагъ кIурбси тамам апIуи.

Хъя Периханум халайиз бабвал варитIан багъалу ва гъюматлу гъуллугъ вуйиб аygъя, гъаддиз ду-

гъу чан вари уьмур веледар ахюо ва дураг тербияламиш апIувализ бахш гъапIну. Дугъу уьмур ва тербия туву 13 веледдикан шубур жюрбежюр дюшюшариъ кечмиш гъахын.

«Думу Аллагъдин къадар ву... Шюкюр ибшири Дугъан ахювализ», - кIуру Периханум халайи, сеснаш фициб-вуш сир ади.

Гъи Мягъямед халуна Периханум хала 10 веледдин, 45 хутлин ва 33 гудлин ахюо абана баб ву. (Мустафа, Гъяжикъурбан, Камил, Руслан, Муминат, ФатIимат, Аминат, Индира, Къистаман, Гюльнара). Дураг вари чин хизанарихъди улкейин жюрбежюр йишвариъ яшамиш шула. Дурагин веледари ва худлари райондий, республикийиъ ва улкейин жара регионарий инсанариз хайир туври, образованиеий, медицинайиъ, ихтиярар урхру гъуллугъариъ, яракълу къувватариъ, тикилишчвалий ва жара циркларий зегъмет зигура ва чни лихурайи колективариъ, яшамиш шулайи йишвариъ гъюрмат гъязанмиш дапIна. Дураг гъарсар чакан бикIбаз лайикълу ву, хъа му макъала гъацира ярхи дубхъна.

– Гъийин деврин дишагълиири сар-къюр веледтлан хури шулдар, хъа уву 13 веледдиз уьмур тувунва, дурагикан 10 сагъ-саламатди ахюо гъапIунва. Баяр-шубар урхруган фицдар читинвалар алахунвуз, кIуру суалназ Периханум халайи гъамциб жаваб тувнийи: «Узуна Мягъяммед сатIиди яшамиш шули 61 йис вуйич. Учу 1959-пи йисан хизан ккебгъунча. Думу вахтар гъагъидар вуйи. Думуган узу Табасаран райондин халачийр гъясил апIру фабрикийи лихурайза. 1960-пи йисан узуна ич гъуншдин хпир, гъагъиди айидар, Гъуллиан исина яягъди Хючназ гъушнийч, больницайиз декретдин отпуск гъадабгъуз. Думуган больница гъамус МФЦ али иишв'ин ерлешмиш дубхънайи. Духтраги ахтармишар гъахбалан къяляхъ, учув

больничный отпускдиз кагъзарра гъадагъну, гъулаз хътаркуз яягъди рякъто учIвнийч. Думуган машинар адайи. Учу ружжарин гъул'ан удучIвган, «Цюмягъ» кIуру йишвахъна хъуркъри, кIерцнайизу. Ииз юлдаш дишагълийин кюмек-нинди душвахъ бицIир гъахънийзуз. БицIир саб тягъяр гъидиржну, учу гъулаз рякъ давам гъапIча. Думу из сарпи веледвуйи. Дугъин Къистаман кIуру Чивур иливнийч. Ииз риши сагъ-саламатди гъюрхюнза. Гъи думу учв ахюо хизандин эйси ву. Фабрикийин халачийр хулаш урхури, узу гъадму саб вахтна колхоздирилахуйза. Думуган узу кьюр бицIирин баб вуйза. Сарпи бицIирахъю бабахъгъитну, кьюрпи бицIир шинтак китIну, колхоздин ляхнис гъушнийзаз. Узу ляхнилан гъюруган, бицIир шинткан кадахъну, бугъмиш духыну гъидихънийзуз, - ктибтнийи Периханум халайи, пашманди узухъинди лигури.

– Дидхъанмина йицIисарсана веледар гъахънийчуз. Гъелбетда, веледар урхюб гъагъи ляхин ву, хъа веледдихъна вуйи ккунивали думу гъагъ гъисс апIуз гъибтдар. Бабаз гъарсар велед гирами ву, думу гирамивал Первердигарин амриинди Бабан гъянаш ивнайиб ву. Инсандин хил'ин хуб тIуб ал, сабра тмунубдиз ухшардар, хъа фунут тIубаззиян гъабхышра, иццу апIру. Гъаци ву бабаз чан веледарра. Сар вушра, йицIур вушра, вари яв веледар ву. БицIиди имишра, ахюо духьнашра, веледарихътан гъарган бабан юкIв убгуру, гъарсар бабаз чан веледар гизаф вушра, циб вушра масан ву. БицIириз аззиат кайиган, велед иццурайиган нивкIадру йишвар вахтара кIван сикинсузвалар, гъалабалугъ гизаф шулу, хъа веледдихъна айи масанвали дураг гъисс апIуз гъитдар. Узуз сабсана гъякъильт къайд апIуз ккундузуз. Гизаф бицIидар айивалий саб уж`валра а. Ахюону чвирии ва чирии бицIидариз хъайивал апIру, гъаци дайиш, узхъан жара ляхнар апIуз


удукъдайи. Ичсдар хизанариъ ахюо гъахьи баяр-шубарик жумартвал, зегъмет зигуз ккунивал, вафалувал, гаф-Чал апIуз айгъювал ва жямяятулгъиди кымат тувру хайлин жара лишнар тербияламиш шулу, хасиятнак мицисдар ужудар лишнар кайи баяр-шубари, наан гъахьишра чин мадар апIуру ва ляхин апIури яшамиш шулайи йишвариъ гъюрмат гъязанмиш апIуру, ич веледарра гъацдар ву».

– Периханум хала, гъелбетда, базбаз чан веледар гирами ву. Гъацдар жигъилар а, гъирағъдиз удучIвну гъушган абиир-бабар гъархрудар. Мужигъатнаан яв веледарин гъякънаан фу пуз шулвухъан, - гъаму из суалназ дугъу гъамциб жаваб тувнийи: «Ииз баяр-шубар, худлар дицдар дариз. Учудурарикан гизаф разиди вучи. Къужник сар риши, Ругуж сар риши, Хянятъ шубур ишикъувал хъайиз. Дураг вазлик саб-къюб ражну учухъна улуркъуз гъюру, узхъан апIуз дархьи ляхнар дапIну гъагъюру. Шагъарий айидар машкврар ва жара йигъин-жагъар айиган гъюру, хъа хъадну отпускдиз удучIвган, хутлар ва гудлар хъадан тятIиларин вахтна гъар йисан учухъна гъюру, учуз жюрбежюр кюмекар апIуру, чипизра рягъятивал гъадабгъуру».

*Периханум хала зегъметнан ветеран, саби, кьюбии ва шубуби дережийирин дадавалин медала-рин сагъиб ву. 1980-пи йисан гизаф къадар веледар ахюо ва тербияламиши апIбаз лигну, СССР-ин Верховный Советдин Указниинди дугъаз «Игит баб» кIуру заан ччвур ва гъизилин медаль тувну.*

*Мягъямед халайиз ва Периханум халайиз мюгъкам сагъвал, хизандиъхушбаhtвал, шадвалари абиIнайи ярхи ва бахтлу уьмур тувуб Первердигарикан ккун апIураза.*

**Гъажимягъамед Гъяжиеев,  
Урусатдин писателарин  
Союздин член**



# ЖИЛИЖВУВАН НАМУС ВАРИТІАН ЗААН ВУ!

**Ү**хуз Горькийин «Үмрий» игитвализ гъарган йишв а» гафарин мяна саки гъаригъандин ляхинси дубхнайи вахтна яшамиш хъуб къисмат гъабхуунхуз. Игитвал варидин улариккава, хъадидкан шлизкіа алью хуваликан фикир дарапіди апЧувалий а. Халис къягъялвал ва сяргъят адру кІубанвал гъаддиз кІур.

Ари гъаци игитвалиинди гъакІну ихъ ватанағыли, Къурагъ райондин Икрагъулан вуйи мешебеги Зейнудин Батматов. Дугъан игитваликан гизаф гъбикин, телевиденийихъан ктибтн, ва саки гъарсаб макъалай, передачайи игитрин дада, думу бедбаҳтвал гъабхыи йисан 90 йисас аи Султанханум Батманова, кІваин апЧуи...

Зейнудиндин дадайихъди гюрюши мишихъуз къаст апЧурган, учу дердана аи юкІв ккабцуз гафар дидрихърувалин гъаврий айча. Хъа шлиз альгъяхъа бай гъакІи дадайн юкІв ккабцуз шлу гафар? Думу дишагълийихъди гафчал апЧуб, дугъан зегъметкеш хилар дисуб, игитар фици аргъаж шулаш альгъю апЧуб – магъа гъаму вуйи и часас метлеб. Гъациб ният ади, Урсатдин Игитрин дада Султанханум Батмановайихъна хяларди гъушнийча.

Хялар къабул апЧуваликан ктибидарча – фуну дагълуйизра хялиж гъюб шадвал ву! Учу Батмановарин алью тухумдиз варитіан яшлур вуйи Султанханумди къаршуламиш гъапІний. Улихънаси дугъан 95 йис тамам гъабхыну. Чиви улар, гъяракат кайи хилар – дугъу гъира, улариз ужуни рябкьюри имдаршра, хъайнин атЧинар урхура! Зейнудиндин хал худлари ва гудлари абцІна, дугъан рюгъра варибидъ а – ачни хипр Жамиляйин уларий аи дерин пашманвалий, китабар дивнайи къасайихъ хъайи компьютерин алатарий... Хиял апЧин,

думу гъакІундар – думу гъамушвахъ хъа, анжагъ гъаци ярквралан илдицу душна...

Зейнудиндин адаш Лукъман Батматов инкыилаб гъабхыи 1917-пи йисан бабкан гъахыну, думу социалист идеириз вафалур вуйи. 1939-пи йисан дугъаз финарихъди дядваз дих гъапІну, дидин къяляхъди – Ватандин Алью дяви ккебгъну. Думу Крымдиз дядваз, Керчъ убхбаш иштирак гъахыну ва къушмарихъди Прагайихъна хъуркыну, гъадушва Гъалибвал къаршуламиш гъапІну. Багъри гъулаз 1946-пи йисан къяляхъ гъафну.

Мухур орденари алабцІнайи, кІару шюкъесдар кушар или думу адлу жам вуйи. Ва дугъу уткан, дичІвли ва зегъмет зигуз ккуни риши кдагъний! Дицирихъди хулартикмиш апЧуза, хизан ккебгъуза, умур хъапІуза шуул. Дербентдин багахъ танкариз къаршу окопар ерккуз гъагъ зигру машинарийди гъулан живанар гъахру, гитлерин къушмар алжагъбаз гъязур шлу вахтари Султанханумдин 16 истілан дайи. Рягъятивал гъададабгъди, 12-14 сяльтди лихуб алабхъуйи. Ватандиз читин

вахтар вуйи. Ва политрукди фронтиз чинин хүшниндигъягърударин сиягъар дикІруган, Султанханумди сарпидарикан вуди учв дикІуз гъитний! Амма совет армияи душмнар ригъ алабхъру терефназди хъуржуз хъюгъний, гъаддиз дядваз гъягъюб алабхъундай, далу терефнара ляхин гъубкІну аий. Хъа гъарсаб азад дакъикъайи дугъу фронтовикариз хъайнин атЧинар урхури. Гъацдар атЧинар ади Султанханумди 13 зурба посылка гъязур гъапІний.

Лукъман ва Султанханум 1947-пи йисан эвленимиш гъахыний. Сифте дуарарин яшайиш рягътиб гъабхуундар. Лукъман дагълу районарн центрарій рякъяр тикиши апЧу рабочирин бригадир вуйи. Бригада рякъярин тешкилатдин хуларий яшамиш шулайи, душва сабхал Лукъмандин хизандихъ хъайи. Хуларихъантина гъягърудар хялар къабул апЧу ккуни Батмановариҳ чарасуз дергүйи, ва гъамусра вариихъ дагълу юрдана дуарарин хялар а, дуарар кІваин илми.

Йирхъур чинин велед, хялар, чюлин ляхнар, мал-къара – варии ляхнар апЧу хъуркъуйи Султанханум, ва



Игитрин дада ва хипр

гъарган дугъан машнак инчI шуйи, ва гъарсариз мани гафна хинкIарин зах дихъуйи.

Фуну ляхниъра – ккундуш хулан мишишатдиль, тербия тувбаъ, шадвалиъ ясана пашманвализ – Лукъман ва Султанханум гъарган сар-сарин багахъ шуйи. Дураг гъацI гафналан, гъацI лигбалан сар-сарин гъавриъ шуйи. Зейнудиндин ахъюну чве Батманди ктибурайиганси, адаш дявдикан ихтилатар апIуз ккунир дайи, хъя баярик ватанпервервал, кIубанвал, къягъялвал вожилирвал тербияламиш гъапIину. «Адашна дадасар-сариз гизаф ухшар вуйидар вуйи – дурагиз ляхнар ва гъяракатар уччвудар гафартIан вожиблу вуйи», - кIура бали.

«Белки, тербия тувбан фицибкIа сир ашуличв?- гъерхнийча ихъ игитрин дадайихъян.- Йирхъур бицIир аргъаж апIуб, тербия, образование тувуб рягъят ляхин дар... Му зурба зегъмет вуй!»

Йиз суалназ Султанханумди гъамциб жаваб тувний: «Фицдар сирарап? Саб жюрейинра сирарап адайи... Ич саб жюрейин къайдийира адайич, дураг гъаци ич багахъ яшамиш шуйи, ва дурагиз вари рябкъруб, вари кIаин гъибртуб ва чипихъна гъадабгъруб учуз аygъяччуз. Гъарган гизаф лихуйча, ичIи гафар саризра кIурдайча, хал ва суфра гъарсариз ачухъди вуйи, учухъна илтIикIадиз кюмек апIуйча. Зейнудин ийз бицIину бай вуйиз, бицIадихъянминадумудугърисувалва писвал аль апIуз шлур дайи. Гъяванатар гизаф ккунир вуйи, ич дагълар ва яркврар дугъяз хулан пайси вуйи. БицIадихъянмина дугъяз мешебеги хъуз ккундий, гъурхний ва диплом гъадабгъний. Ахъюну чвиирихъна гизаф гъюмат айир вуйи, дугъахъ гизаф дустар хъайи. Дугъкан пуз гъамус гъагъиди вузуз, хъя дугъу учв жара саягъ гъахувалра фикриз гъадабгъуз шулдарзухъян! Думу гъацийизбайдар, думу жилижви вуй! Хъя жилижуваз намус варитIан заанди дубхъну ккунду! Йиз рягъматлу жилирира, дугъан рюгъ женнетдиль архайн ишбри, балин терефнаан усалвал къабул апIдайи. Гъамус вари терефарихъян, бицIидар фицдар вуш, гъацдарди къабул апIинай, дурагин усалваларилан хил алдабгъай, маш мигъибицанай кIури, гъарийр апIура... Хъя магъа узуз, дустар масу туву, зяифур гатлахъу ясана жавабдарвалихъан гъергу бай фици

къабул апIурущ, аygъдарзуз... Шюокюр ишбри Аллагъдиз, узуз дидкан фикир апIуб лазим дарзуз, бицIидарикан лайикълу инсанар гъахънийиз, гъит Первердигари ийз бицIидар, вари бицIидар балирихъан ва уззарихъан урхри...»

Педагогика илим агъзур йисариинди айиб вуй, тербия тувбан месэлайир ухуухъди ихъ вари умрий хъя – ухуу сифте бицIидар шулхъя, хъасин абибирбабар, хъасин ахъю бабар. БицIидар тербияламиш апIбан месэлайикан

илмин литературайин къадар адруб-къан жузар дидикIна, варжарииндиги университетарва илмин центрар думу месэлайин лихура. Хъя йирхъур веледдин дада, 21 худлин баб ва 38 гудлин ва 2 цIудлин ахъю баб Султанханумдихъ хъбеъчиш, тербия тувбаъ саб жюрейинра читин месэла адар – анжагъ варибидиъ жувв чешне дуխну ккунду, ва гъаддий а тербияйин сир.

**Сулгият БУЛГАЕВА**



Султанханум Батмановайин хулаъ

**2015-пи йисан 15-пи майди, хябяхъган сяайлт 5-ди, Къурагъ райондиди чан участокдилан илдицурайиган, мешебеги Зейнудин Батмановдиз ишурайи бицIирин сес гъеебхъний. Сеснахъди гъушу дугъаз яракъламиш дуխнайи йирхъур кас, хъя дурагин улихъ къамкъарина ис дусхнайи жилижви ва дишагъли гъяркъний, багахъ жилиин ишурайи бицIир дахънай. Зейнудинди, дурагин ерина учв аманатди гъузурза дунну, бандитарихъди бицIир хъайи жигъил хизан деетуз гъитний. Боевики разивал тувний. Зейнудиндин телефондик полицияйин районделин начальникдин телефондин номер гъябкъиган, дураги Къурагъ райондин ОВД-ийн начальникдиз полицияйин нарядра хъади дих апIуб талаб гъапIиний. Боевикикан сари, Нариман Башировди (кьюд 1йислан спецоперацияйиъ думу гъидисний, дугъахъ мешебеги йивну йикIури видео гъибихъний) ктибтганси, дураги «ментар» «лайикълуди» къаршуламиш апIуз, хъя мешебеги деетуз планламиш дапIинай.**

«Узу хъасин инсанарин улариз фици лиги? Узу йивну йикIай, гъаци ужу вуй!» – гъапIиний боевикири Зейнудинди. Истисмар апIури, бандитариз дугъу чии кIуруб тамам апIуз гъитуз ккун гъабхъний, амма Зейнудин чан гафналан улдучIванди дайи. Гъаци вуйивалин гъаврий ахъну, бандитари думу йивну гъакIиний.

Мешебегий тахсиркарихъан хизан азад апIбинди чан ватандаш`валин буржи тамам гъапIину. Му къягъял дагълуйин игитвал ихъ юкIвариъ гъаргандиз гъубзди.

**2018-пи йисан Зейнудин Батмановдиз, йикIбан къяляхъ, «Урусатдин Игит» ччвур тувну.**

# Зегъметкеш зимз

**Р**игъ алабхъу. Думу ягъли сиварин къяляхъ жин гъабши. Инсанар, ляхнарихъан хъадаркну, десте-дестеди гъулазди гъюз хъюгъю. Гъулан зиихъ хъайи машнакан исина маларин лиж ва марчтар-чилариз сюрйир гъулазди гъюрайи. Вари гъамрар гъяркъю касдин юкІв шад шуйи.

Гъаму арайиъ, нежбарихъди сатиди ляхнлиз удуబчын, сурсат абгуз дубшнайи зимзра мукъазди рякъюъ убчыну. Думу мукъан ба-гахъна хъубкъубси, вари зимзар илтешу ва диди гъабхи дяхнин удар чипин гъамбарикан сабдиз гъубху.

Яваш-яваши мучыу хъуз, завуъ айи хядар рякъюз хъюгъю. Раццарихъ тамшир апурайи баяри гъарди чаз рякъюрайи хядар гъисаб апуз хъюгъю.



Ляхнарилан дуфнайи нежбара, тамшир дапыну гъафи ба-ярра ва ярхи йигъди гъилибху зимзра йишвну ицциб нивкүз гъушу.

**ЭСЕДУЛЛА ХАНМЯГЪМАДОВ**



# *Журнал в журнале*



# ПИРОГ ИЗ ПЕСОЧНОГО ТЕСТА С ЗАМОРОЖЕННОЙ СМОРОДИНОЙ

Черная смородина в легкой меренге на хрустящем тесте! Вкусный пирог из песочного теста с замороженной смородиной готовится быстро. Это открытый пирог с богатой сочной ягодной начинкой, который хорошо подавать к чаю или кофе. Его можно готовить на десерт к разным праздникам в течение всего года.



**Совет:**  
При выпечке пирогов с замороженными ягодами есть некоторые нюансы. Ягоды предварительно не размораживайте, обязательно добавьте загуститель – крахмал. Он не даст соку от ягод размочить корж. Время выпечки следует немного увеличить, чтобы замороженная ягода полностью приготовилась. Такие пироги лучше делать открытыми. Даже зимой вы сможете побаловать себя легким пирогом! Этот вкусный ягодный десерт готовится из замороженной смородины. Взбитые белки с сахаром делают пирог сладким и не дают вытечь соку от ягод.

## ИНГРЕДИЕНТЫ НА 8 ПОРЦИЙ

### ДЛЯ ТЕСТА:

**Мука – 1,5 стакана**  
**Сливочное масло – 100 г.**  
**Сахар – 100 г.**  
**Яичные желтки – 2 шт.**  
**Разрыхлитель – 1 ч. л.**

### ДЛЯ НАЧИНКИ:

**Кукурузный крахмал – 1 ст. л.**  
**Сахар – 100 г.**  
**Черная смородина – 300 г.**  
**Яичные белки – 2 шт.**

Время приготовления: 1 ч. В одной порции 276 ккал.

## ПОШАГОВОЕ ПРИГОТОВЛЕНИЕ

### ШАГ 1:

Подготовьте продукты для пирога. Смородину нужно брать замороженную, рецепт рассчитан как раз на это. А вот масло выньте из холодильника заранее, оно должно размягчиться. Вместо сахара в корж можно положить сахарную пудру. Крахмал можно взять картофельный, его нужно в два раза меньше.



### ШАГ 2:

Муку просейте.



### ШАГ 3:

Добавьте разрыхлитель и сахар. Перемешайте.



### ШАГ 4:

Яйца разделите на белки и желтки.



### ШАГ 5:

Добавьте в мучную смесь размягченное сливочное масло и желтки. С помощью вилки перемешайте муку с маслом и желтками до состояния крошки. Можно сделать это ножом, делая рубящие движения.



### ШАГ 6:

Затем замесите тесто руками. Оно достаточно быстро соберется в шар.



### ШАГ 7:

Форму для выпечки слегка смажьте маслом. Распределите по дну и бокам тесто. Делать это очень просто: тесто очень мягкое и эластичное. Отрезайте от теста кусочки одинаковой толщины и устригайте ими дно, слегка приминав пальцами. Таким же способом сформируйте бортики. Уберите форму с тестом в морозилку на 20 минут.



### ШАГ 8:

Разогрейте духовку до 200°C. Запеките корж в течение 15-20 минут до легкого золотистого оттенка. Выньте корж из духовки. Духовку не выключайте.



### ШАГ 9:

С помощью венчика взбейте белки добела.



### ШАГ 10:

Добавьте сахар и крахмал, хорошо размешайте. Снова взбейте.



### ШАГ 11:

Добавьте в белковую смесь ягоды. Перемешайте.



### ШАГ 12:

На слегка остывший корж выложите начинку, равномерно распределите ее с помощью лопатки.



### ШАГ 13:

Запекайте пирог еще 10-15 минут. Начинка должна застыть. Пирог получился очень вкусным! Несмотря на то, что смородина – кислая ягода, вкус пирога скорее сладкий, с легкой кислинкой. Меренга слегка запеклась и похрустывает при еде.



## Салат с курицей, овощами и маслинами

Салат с курицей, овощами и маслинами – блюдо изысканное и аппетитное, достойное даже праздничного стола. Все компоненты прекрасно сочетаются между собой, а французская горчица, которая служит заправкой для салата, делает вкус ещё богаче и ярче.

### ИНГРЕДИЕНТЫ: на 2 порции

**Филе куриное – 300 г**

**Помидор – 120 г**

**Огурец – 100 г**

**Маслины без косточек – 100г**

**Сыр твёрдый – 100 г**

**Масло растительное – 1-2 ст. ложки**

**Горчица – 1,5 ст. ложки**

**Кунжут белый – 1 ч. ложка**

**Соль по вкусу**

### ПРИГОТОВЛЕНИЕ:

- Подготавливаем продукты. Куриное филе промываем и нарезаем тонкими полосками.
- В сковороде на растительном масле обжариваем филе до румяности (около 5-7 минут). В процессе жарки солим. Затем готовое куриное мясо откладываем на дуршлаг и даём стечь лишнему маслу.
- Маслины нарезаем колечками.
- Сыр нарезаем кубиками.
- Огурец нарезаем кубиками.
- Помидор также нарезаем кубиками.
- Соединяем в миске остывшее куриное филе, помидор, огурец, маслины и сыр.
- Добавляем горчицу.
- Перемешиваем.
- Салат с курицей, овощами и маслинами посыпаем кунжутом и подаём к столу.

*Приятного аппетита!*

# ЕСЛИ ВЫ...

- сварили компот, но он еще не остыв, поставьте кастрюлю с компотом в большую по размерам посуду с холодной подсоленной водой.
- решили приготовить блинчики, рекомендуем налить тесто в бутылку. Таким образом наливать его на сковороду будет значительно проще, а остатки – легче хранить.
- столкнулись с проблемой чистки сосисок после варки, просто проткните их в нескольких местах вилкой перед погружением в кипяток. В результате пленка отойдет без труда.
- во время варки яиц добавите в воду немного соды, скорлупа снимется быстро и легко.
- решили приготовить отбивные, нарежьте мясо пищевой пленкой, а затем отбивайте. Таким образом удастся сохранить чистоту молотка и защитить кухню от брызг.
- хотите, чтобы сыр не покрылся плесенью в холодильнике, смажьте срез сливочным маслом. Тогда верхушка сыра дольше останется незаветренной.
- не можете открыть банку с закручивающейся крышкой, опустите ее на пару минут в горячую воду. Теперь банка с легкостью откроется.
- хотите в духовке без термометра проверить температуру в 200°C, насыпьте капельку сахара. Он плавится при температуре 186°C.
- хотите удалить неприятный запах рыбы при варке, добавьте в воду корень петрушки или сельдерея.
- хотите разогреть блюдо в микроволновой печи равномерно, сделайте в центре еды отверстие. Такой способ подходит только для твердых блюд, например, макарон, риса и т.п.

# ЗНАЕТЕ ЛИ ВЫ?



Что самый большой **ПАЗЛ** в мире состоит из 51300 деталей? Мозаика примерно 8,69 метра на 1,9 метра посвящена 27 чудесам света, которые надо собрать в единую панораму. Выпустила ее компания «Кодак» в 2020 году.

Изобретателем первых пазлов принято считать лондонского гравёра, картографа и издателя Джона Спилсбури. В 1971 году он наклеил черно-белую гравюру географической карты мира на тонкую деревянную панель и распилил ее лобзиком по контуру государственных границ. Получилось новое учебное пособие – «разрезанная географическая карта». Ученик собирая карту и быстро ее запоминал. Уроки географии превращались в увлекательную игру, что способствовало хорошей успеваемости даже ленивых учеников.

Спустя несколько десятилетий пазлы начали использоваться не только для изучения географических карт. В 1909 году в США открылось первое фабричное производство по изготовлению пазлов со скрепляющимися частями, которые с тех пор стали популярны во всем мире.

В Россию пазлы стали завозить из Англии в начале XX века.



Что **ПЛАСТИК** разлагается на протяжении 300-500 лет. На планете Земля производится 270 миллиардов бутылок в год. 8562 бутылка оказывается на свалке каждую секунду. А из-за своего сверхлегкого веса пластиковая тара рано или поздно попадает в водоемы и мировой океан.

В океане есть целые «мусорные острова», которые занимают не один километр водной территории! Постепенно соленая морская вода разъедает пластик, который разваливается на мелкие части и смешивается с планктоном, попадая в пищевую цепочку рыб и морских млекопитающих. А затем у вас на столе оказывается отборная свежая семга, нашпигованная химией, прямо из мест своего обитания. Или вы идете в престижный ресторан вкушать суши с сырой рыбой, вскормленной пластиком. И если вы надеетесь на добросовестность владельцев заведения, которые дорожат репутацией, отбросьте вашу наивность – мельчайшие пластиковые частицы есть в рыбе со всей планеты. Их, может, не видно невооруженным глазом, но они прекрасно накапливаются в организме: сначала рыбном, потом – нашем.



## ИЗЛУЧЕНИЕ ОТ МИКРОВОЛНОВЫХ ПЕЧЕЙ НАНОСИТ ВРЕД ОРГАНИЗМУ

Любая микроволновая печь работает благодаря встроенному в неё магнетрону, который при вибрации образует микроволны, разогревающие пищу. Нагревание пищи происходит за счёт того, что молекулы воды в пище резонируют и выделяют тепло. Как полагают современные учёные, такой способ подогревания пищи лишает её полезных свойств.

Современные печки имеют более высокий уровень микроволновой энергии, а значит, площадь распространения излучения становится выше. Всемирная организация здравоохранения (ВОЗ) на своём сайте утверждает, что если человек находится на расстоянии 50-60 см. от СВЧ, то риск облучения снижается, но тем не менее сохраняется.

### ПИЩА ИЗ МИКРОВОЛНОВКИ ПРИВОДИТ К БОЛЕЗНЯМ СЕРДЦА И ОЖИРЕНИЮ

Один из ведущих западных порталов о здоровье – YMS – в проведённом исследовании

доказал, что приготовленная в микроволновке пища приводит к ожирению. Ввиду того, что приготовить еду в микроволновке быстрее и проще (особенно на Западе, где большой выбор уже готовых блюд), человек употребляет её больше и чаще, провоцируя ожирение.

Вместе с тем готовые блюда сами по себе являются малополезными, обладают огромным количеством жиров и консервантов, что, в свою очередь, приводит к проблемам с сердцем и закупорке сосудов. Безусловно, это не прямая вина микроволновки, но один из факторов, говорящий о её вредности.

Исследование 2010 года, проведённое Университетом Трента, завершилось выводами о том, что микроволновое излучение воздействует на сердце людей, использующих кардиостимуляторы. Данное исследование было подтверждено заявлением ВОЗ о том, что сердечные стимуляторы действительно чувствительны к интенсивности микроволн, а значит, людям с кардиостимулятором однозначно стоит отказаться от СВЧ печей.

## ВРЕД МИКРОВОЛНОВОК ДЛЯ ОКРУЖАЮЩЕЙ СРЕДЫ

Недавнее исследование учёных из Университета Манчестера доказало, что при использовании СВЧ печей выбрасывается такое же количество углекислого газа, как от нескольких миллионов автомобилей. Необходимо отметить, что данное исследование проводилось на территории Евросоюза, где люди гораздо больше озабочены проблемами экологии.

Микроволновые печи, по мнению учёных, не только вырабатывают углекислый газ, но и значительно повышают количество потребляемой электроэнергии, тем самым оказывая огромное влияние на окружающую среду, начиная с производства топлива и заканчивая непосредственно выработкой электроэнергии.

Несмотря на указанные выше факты, ВОЗ утверждает, что если пользоваться микроволновой печью строго по инструкции, следить за её исправностью, а пищу разогревать в стеклянной или керамической посуде, то СВЧ печь станет надёжным помощником.



Однако ввиду того, что факторов, которые подтверждают вред микроволновой печи, больше, рекомендуем следующее:

- Замените СВЧ печь пароваркой: это гораздо более надёжный и полезный прибор.
- Не покупайте «быстрых ужинов» и другой аналогичной продукции, планируйте своё питание, готовьте себе сами.
- Если у вас есть желание сохранить в своём доме микроволновую печь, то не допускайте к ней детей, беременных женщин и людей, имеющих проблемы с сердцем, пока СВЧ включена, старайтесь находиться как можно дальше от микроволновой печи в момент её работы.

Надеемся, статья была вам полезна.  
Будьте здоровы!

## Посуда для СВЧ печи



**Нельзя готовить и подогревать еду в  
металлической посуде  
или посуде с металлическим напылением  
« золотым ободком».**

# трусливый заяц

Рассуждал однажды, говорят, заяц сам с собой: «И что за горькая жизнь у меня! Люди не дают мне покоя. Волки не дают мне покоя. Орлы не дают мне покоя... Всех я боюсь, всегда я дрожжу. Трусливой меня, верно, нет существа на свете! Лучше умереть, чем так жить!»

И отправился, говорят, заяц к морю, топиться.

Вот пришел заяц на берег моря, а там на берегу паслись овцы. Как увидели

овцы бедного зайца, разбежались в страхе кто куда...

Удивился заяц, кувыркнулся от радости через голову:

- Ого, есть, оказывается, кое-кто трусливой меня! Так нет же, не брошусь в море!

И побежал заяц, гордый и веселый, домой в горы.



**М**у аյжайиб ляхинсира гыбигъуз мумкин ву, амма узхъан уйинжагъар айи тукандин багхъан вижнасузди гъудучІвуз шулдарзухъан. Гъарган ахювитринайин улихъ дийигъурза, щийи уйинжагъар агуруза, маракълуди дурагрикан клигурза ба бицІирси шадшулза. Думу гашриш'вахтва сабпну буллугъ гъябкью инсандин шадвал ву. Ваъ, дугъаз сарун ипІуз ккундар, амма гъамъан ипІруб айвалиин думуфици-вшрашадву.

Йиз фикир гизафси жалб апІрудар жаквлар ву: кIару улар аидар ва кIару кушар алидар, жангар ва гъумрал рангнан улар аидар, лизи ва мучIу кушар алидар, гафар апІрудар ва дараапІрудар. Узу витринайин улихъ дийигъурза ва имбудартIан йиз кIаваз хуш гъабхьибдиз ул кЧюбкюрза: «Фу ву, тIагъруди вуйин? Сейир апІуз ккундувуз? Гъач, гъягъюрхъ! Йиз шурахъди дуствал апІидива!»

Йиз шубуд йисаъ айи шуран шадвал улихъ ккимиidi рябкюри, узу жакул гъадабгъурза ва хулаз гъягъюрза.

Сабражнуузуиздуст дишагъли Беризатдихъна хялишиди гъушнийза. Учу сар-сариз гизаф вахтна дяркънадайчу, гъаддиз ктибтуз ужуб айчуз. Дина гъягъайиз, узу тукандиъ учІвнийза ва Беризатдин шубуд йисаъ айи, уъру гарцIлар кайи Земфиркайиз гъизил кушар али, укIу улар айи жакул гъадабгънийза.

Беризат узу гъоб'ин гъаци шад гъахниийики, гъерхбар-хъерхбар миркк убгърганси ккергънийи, ва узухъ хайи пешкешдикан асла гъархнийзуз. Анжагъ къандиси узкан жин апІуз даршлу гъиссариindi клигурайи Земфирка гъаркънийзуз:

— Агъ, йиз бицIи мудур! — гъапнийза умунди.- Узухъ увуз фухъаш лигурхъа! — Ва дугъахъинди къути гъачIабккнийза: — Абцц чкиди.

Гизаф фикрар дараапIди дугъу ал рангнан муфтул алдабгънийи ва къути абццнийи. Шуран лигуб вижнасузуб вуйи. Дугъу жакул гъадабгънийи, дидкан клигнийи



# ЖАКУЛ

*Уъмур – му ккудушуу ийгъар дар,  
хъа кIаин гъузу ийгъар ву!*

П. Павленко

ва, тмуну хулазди дубхну, жара жаквларинна уйин-жагъарин багахь дипний.

Сабпну йиз рюгънан деринарий фициб-вуш гиран хъибний. Дици хыпан себеб шуро йиз пешкешдиз фикир тутруувалси, хъана фу-вуш жарабра вуйи...

— Гъаз ккебехъва? — кухняиан хъилигну ва хъана душваа дургну, гъерхний Беризатди. Жаваб дархыган, думухулазди учІвний. Ислягъвалиинди деънайи жаквларин терефназди гъилигний ва гъапний: «Вари пешкеш гъапІдар ву, магъа увуро жакул гъа-дабгъунва». Ва гъаз-вуш дугълан ухът алдабхъний.

— Ав, хъа...

— Хъа гъамус жара вахтар ву,- дугъу узлан хабар алдагъний ва гъаддинди вари гъапний.

БицИрикан гиран апІувалин узуз нач гъабхънийзуз. Учу гафар апІуз хъюгъча.

— \_Хъа Аминат фици ву? Фици яшамиш шула?- гъерхнийза узу. Улхуб ич бицІивахтнан дустракан гъяб-гъюрашра, кьюриддира сабдикан фикир гъапІнийча.

— КІваин илмияв? — кьюридди сатІиди гъапнийча.

Гъелбетда, ич кІваин илмийич, дидин гъякънаан фици гъархуз шул. Гъаци вушра, Беризатдизра думу кІваин илимбууvalин узу шад вуйза. Хъа сабпну гъархнийиш... Думу...думу хаинвал хъибдий. Дугъу ич бицІивахт масу туувал хъибдий. Ич гъийин гюрюш якъинди ахиримжиб хъибдий, гъаз гъаплиш бицІивал кІваинди илимбууали узу дугъахъна хурайи.

— Хъа Маша кІваин илмияв?- гъяальхъний Беризат. Маша учу бицІивахтна тамшир апІури шлу Аминатдин жаквллиз кІуий.

— Фици ухъу думу иишвну тамшир апІуз учвухъна гъубхнийиш,— давам гъапІний дугъу.- Дидкан агъю гъабхъиган, Аминатдин дадайи чан шураз фици гъивнийиш, кІваин илмияв?

Кьюриддиланра ухът алдабхънийчлан.

— Мискин Аминат,- гъамус альхъори гъапний Беризатди,- жаквлихъантине дустарихъ мягърум дархъиди нуфттан имдайи.

— КІулихъра,- альава гъапІнийза.

— Хъа дугъан чи фукъан зиянкар вуйи...

— Вари дугълантина гъабхъиб вуйи...

— Гъарган дадайиз аэрзар апІуий.

— Гъякъ түрттүрчи вуйи,- бицІигандин гиран шлу гаф сабпну кІваин гъабхънийзуз.

— Хъа ухъу, — ухът алдабхъний Беризатдилан, — ухъу, маргъликкан гъапІу хуириси, гиранвалилан хил алдабгъну, вари гъархну, цийикІултлан дурарихъна гъягъуюхъа.

Аминатдин дадайи гиран ктапІували нач тувнайчуз ва асккан дапІнайчу, амма кІул'ан гъягъюзкъан Машайин юкІв улубкъайи учу, гатийрси, дуст шурон дадайиз алалахъуз, чкиди гурзилилан улдучІвну гъергүйча. Думу вахтар кІваин дуухъну, узузра хабар дарди гъяальхънийза.

— Хъа ухъу фици АминаткайинацІайсир бицІичве съястарииинди ккарцуйиш? — гъерхнийза дуст дишагълийихъан. — Закур узу дугъахъна гъягъюз мумкин ву.

Думу иишван къаназ ахуз гъабхъундайчухъан. КІваин апІбари сабди саб гъюдоюхойи. Учу ич гъул, дустар кІваин хурайча.

Ахуз къанди дахънийча. КІваин апІбари гъизмиш дапІнайи фикри, гъациб мумкинвалиин шад дубхънайиганси, къаназ узуз архайнвал туврадайи.

... Дявдин къяляхъ ургудпи йис вуйи. Йиз ва йиз дуст шубарин йирхъуд йис вуйич. Къюрдну ликариин алахърудар гъуркІдайи, ва кючейиз нубатнахъди удучІвуйча, йирси палдмарикрайцІбариинди пинийр шуйи. Хъа хадукаар бегъемди чан ихтиярнаа учІвиган, вари кІваильан гъябгъюйич. Мектебдиз гъягъязиз вуйи ич бицІивалин ахиримжи хъад пашманвал ва дердадарди гъябгъидий, эгер саб ражну адашди узуз шагъриан жакул гъабхундайиш...

Учу гъарган шубридди тамшир апІуйча, гизафси Беризатдихъ. Гъюбгъю гъаб-гъажагъдин тикирикан, читдин, штапелин цІиларикиан хал ктапІуйча, ясана хулан азад мурчван саб терефнаа парча гъебхуйча, тмуну тереф фтихъди-вуш гъебкуйча: думу учІврушв вуйи. Гъациб хулаа деъну, тамшир ккергъуюйча. Тамшир чурысан даккун гъахъиган, учу нирихъна маларин лижарихъна жаргъуюйча, хъасин гъалин укІаригъ къаби бабан хуттар уч, ясана укІарин кунціар апІуйча ва плазиппендейир дисуз жаргъуюйча. Жаргъбаан бизар гъахъиган, укІаригъ деуийча ва гъяжибугъдайин гъибихъу къашдикан жакул апІуйча — апІубсиб иишв'ин ягълухъ алабхъуюйча, къял'ан читдин цІил идибІуйча, думу юбка ясана улгъани, хъа хъана къатГиди кІуруш, зиихъиши хъадру ккурт ктапІуйча. Йирси цІиларикиан ахнар апІуйча. Гъациб жаквлихъди тамшир апІувалиин гъацикъан машгъул шуйча, дюн'яйи гъякъики жаквлар айиваликан хабарра шулдайчуз.

Фици-вуш Аминат гъафундайи. Колхоздин бухгалтер вуйи дугъан адаш шагъриз душнайваликан агъячуз, ва ич дуст риш дяргъювали гъалаб кипнийчук. Узуна Беризат дурарин хулаз гъушнийча. Дурарин шубур бицІир айи. Аминат ахюнур вуйи.

Учу дурарихъна хулаз гъафиган, юртнан халачайир илирчнайи тахтайини Аминатдин Еминатди ахюжаквлихъди тамшир апІурайи, думу гъадмукъан уччуб вуйики, сабзи дакъикайиб учу гурзлиин гъайран гъахънийчи. Гъайранвалиан гафар апІуз шулдайчухъан. Сарпирди Беризат амрихъна гъафниий. Думу тахтайихъинди гъажаргънийи ва гъапний:

— Му фу альамат ву? Му жакул вуйин?

— Мидин кушар фукъан уччудар вуш! Ихъ Машайинсдар,- альава гъапІнийза узу.

— Дюз кІурава,- цІийикІултлан жаквликан клигури, гъапний Аминатди,- узуз дишлади агъюкъан гъабхъундайзуз. Лигай, уларра, кушарра, уьру гарцІларра — вари ихъ духтири Машайинсдар ву.

Учу жаквларин вари терефариан ад апІурайча, дидик хиларра кучрайча.

— Диди «дадара» кІуру,- фурс гъапІний Еминатди, жакул ккибицури.

Жаквли «дада» күри дих апійи, диди учу гъяйран апійи.

Аминатдиз жаквллиз Маша пуз теклиф дивнийча.

Нугъаяртлан яшамиш шули адру ич гъулье фельдшерди урус риш Маша лихурайи. Кіару кушар али ва гъумрал кілбарин гъулан агъалиирин арайиль думу чан рябкьювалиинди жара шулайи: лизир, укіу улар айир, уьру гарцілар кайир, гъизил кушар алир. Кючейиль думу гъяркьюбси, учу дишилади дугъян къяляхъди жаргъуйча ва «Маша! Маша!» күри, Чигъар апійча: Риш дийигъуйи. Учуз клигуйи, ич күуллан хил алдатуйи, ва учу саб къадар вахтна сатіди гъягъуюйча.

Гъулан агъалиириз думу багъри инсанси ккундийи, ва чахъди нугъай Чалниинди гафар апіруушра, думу дурарин ужуйи гъаврий ахъуйи. Учу жаквллиз дугъян чвтур күруган, Маша ич гъулаш гъеле лихури имийи.

Учу ктаңу жаквлар Машайн къяляхъ учуз хявидарси рякъуючуз. Учу гвачілтан хябахъдиз Аминатдих шуйча. Хулариз учу гъаҳуб айир-бабариз рягъяди алабхъдай. Учву даршра, гүркіну гъайгъушнарайи жаарарин хулаш ярхийигъидыхъубағалугъ ляхин ву, күйи учуз дураги. Ич дуст шуран дадайиз учу чипхына гъюб хушди даруб гъисс апійча. Амма думу гафарикан кюмел адайи. Жаквлихъна душну, дидихъди саб мурччва тамшири апібан бадали, учу Аминатгъярин хулаш жюрбекюр ляхнар апійча: гъяят ичібккуюйча, шид хуйча, пеэриз ккабхъуюйча, Казбийиз хъайивал апійча.

Амма ич гъялар вари Еминатди чур апійи. Дугъу дадайиз арзар апійи, ва Аминатдиз дидин гъякъинаан ағъяйи.

– Фукъан зарапкар дарна уву! Узу увухъна тамшири апіз жакул туундайинхъа?- күйи дугъу чуччуз ва учухъинди «гъаражай» күруганси лигүйи.

Хъа Еминат мютіюгъ шулдайи.

– Уву яв дустар бадали узуз гиран ктаптурова. Уву узухъди гъулхну күри, дадайиз пииза.

– Гъарах, аллагысан, гъарах, түртпурчи! – жаваб тувүйи Аминатди дугъаз ва учухъди чвугахъна тамшири апіз гъойи.

Амма Аминатдихъна хулаш гъягъюз хуш дарди хъуз хъюбгъаничуз, ва тамшири апібан неззет дугъан дада улхбарихъан гучібу зегъерламиш апійи.

Фици-вш хябахъган учу ич дустракан ич хулаш тамшири апіз жакул тууб ккун гъапінийча. Дадайик хъял кубчірувалихъан гучіруушра, Аминатди учухъна жакул тувнийи. Учу жакул ич хулаш гъубхнийча, Беризат учухъна хулаш иишвазди гъафнийи. Гъамус ккунибкъан тамшири апіз шуйи.

Дадайиз дишилади жакул гъябкънийи ва, дидихъинди лигури, пашманди гъапнийи:

– Фукъан уччуб вуш! Увухъна ич бицідар къасухътан жаргъури гъахъундар.-Хъасин, улчівмар чур дапіну, учхъан гъерхнийи: -Гитпібкінчча дарш?

– Ваъ,- сабси жаваб тувнийча узуна Беризатди.- Йишвазди тууб калаб гъапінча.

Дада пашманди гъяльхънийи, амма фукіа гъапундайи. Гвачінинган учу жакул чан эйсийихъна къяляхъ гъубхнийча. Аминат гъяятди цалихъ хъахънди дийигънайи ва юків абцину ишурайи. Сифте учу чашмиш гъахънийча.

– Дадай гъивунзуз, – арз гъапінийи Аминатди. Хъасин, ишбаан дяргънайи улар учухъинди за дапіну, яваши гъапнийи:

– Чкиди гъаражай, дарш учвузра рубкъиди.

Дуст риш гъитну, гъергүз афалугъди ва начди вуйчуз. Учу, дугъян дадайик хъял кубчірувалихъан гучіруушра, диришвири дийигънийча. Циб вахтналан думу айвандиккна удучівнийи, ва, учу дяркъну, Чигъар апіз хъюгънийи:

– Дургай, намусузар, мушваш сарун ич шил дарипши! Жакул учвуз гъадабгъуб вуйин? Жаарарин мутму гъабхруб вуйин?! Хъа му,- давам гъапінийи дугъу, чан шурахъинди улупури,- ичі абдал ву! Чуччухъна тувуз гъайифди ву, хъа жарадарихъна – вав!

Аминаткайн дада къаназ улхури имийи. Гиранвалин ва асканвалин нивгъари бугъмиш апірайи учу гъушнийча. Хулаш узхъан айир-бабарихъинди лигүз шуладайзухъан.

Учу сарун Аминатдихъна гъягъюри имдайча, думу учвра арайиз удучіврадайи. Кюод йигъ гъубшнийи. Узуна Беризатди ич мугагъназдин тамшири апійча. Гиранвал ківаълан гъябгъорадайич, хъа учу дидкан фикрап дарапіз чалишмиш шуйча. Дуст шуран дерд кайчуз. Шубудпи йигъан Аминат гъафнийи. Думу ипни дұхнайи.

– Гъамус жакул Еминатдинуб ву, – тахсир кайириси гъапнийи дугъу.

Учу ич дуст ккаарцнийча, учуз жакул лазим дарчуз, гъапнийча. Яваши-явашиди учу мугагъназдин тамширихъна вердиш гъахънийча, Маша ківаин апіри, ухътар алдахъуушра.

Сабражну адаш шагъриз гъягъюз гъязур дұхнайи. Дугъу ич бистниан уч гъапіу бегъер масу тувну ккундийи.

– Адаш, узуз укіу улар айи ахъю жакул гъадабгъа, – талаб гъапіза.

Белки, адашди гъадабгъуйи, амма дадайиз гъебхънийи, ва дадайи дугъхъанди жаваб тувнийи.

– Ваъ, жан риш, шулдар, дугъу увуз жакул фици гъадабгъиди, учвуз палтар адруган, хъа улубқурайиб кюорд ву.

Гъаци жаквлikan вуйи аххиримжи умуд ктабтінійиз.

Узу ахъю гъахънийза, мектеб ккудубкінийза, институтдик кучівнийза. Гъамус чипхъ гизаф жаквлар ва уйинжагъар хъайи йиз бицідар ахъю шула. Амма гъяз-вш туканарын укіу уларайи, ич Машайиз ухшар вуйи жаквлар гъяркъиган, ківаз иццу апіриз, хиял апін, дураги йиз бицівалиан жин гъапідар ву.

**БИЙКЕ КУЛУНЧАКОВА**



# ЗУРТІН ГЪЯД




Узу Табасаран райондин Гъулли кIуру гъулаз сабанра гъушур дайза. Думу райондин бицIи гъуларикан саб ву. Душваь иициургуб хизантIан адар. Гъул, учв бицIиб вушра, райондин ягъал дагълариь ерлешмиш дубхънайи уччвуб гъул ву. Душв'ан Къужник, Шилла, Хъарагъ, Пилигъ, ЩанитIил ва жара гъулар хлин гагъаь айидарси рякъюру.

Учу гъулан гъирагъарыь лицурайиган, Рубас нириин дерейин багахъ хъайи ичIаь, ямажнак, ккадабхъу гъулан гъюрдар рякъюйи. Гъатму дерейиь аи гъюрдар гъапIрудар ву, кIури гъерхиган, йиз юлди дуарар ккадабхъу Урсигъ гъулан гъюрдар ву, гъапнийи.

Гъулли, гъулан гъякъинаан улхруган, сабсана гъякъикъят къайд дарапIди гъибтуз шулдар. Хючнаан Гъуллиз гъягъргуган, саб хайлар табиаьтдин ва тарихдин ядигарар алахъуру. Сабиб табасаран

халкъдин игитвалин ядигар вуйи ургур чвуччун ва сар чуччун гъала, «Гъялмюхъи» куру йишваь тикиши дапIнайи «Табасарандин юкIв» чвур тувнайи рягъятивал гъадабгърушв, Дагъустандинси, вари Урусатдин халкъариз мляум вуйи табиаьтдин ядигар – шид убсрүу рыбчра, Рубас нир'ин али Хюрккарин, Хянгъярин, Ругжарин гъядар, Ругуж гъулан зиихъ ва ЩанитIил гъул али дагъдин канчIликкан исина гъябгъюрайи Рубас нириин цирклиин али ЗуртIин гъяд (дидин ягълишин 40 метрихъна ву), Гъулли гъул али дагъдин канчIликкан исина ахмиш шулайи Рубас нириин цирклиин 300 йистIан артухъ мидиз улихъна вахтари сабра рукъан мих кадарди тикиши дапIнайи гакIвлин гъяд ва жарадар.

**Материал гъязур гъапIур Гъ. Гъяжиев ву**



# ГЪАЛИБ ХЪПАН ИЛИМ

Юкъяр дисуб Дагъустандиъ спортдин варитан адлу жюре ву. Ихъ спортсменари юкъ бисбаан вари йишвар дисуру, дюн'яйин ва европайн талитариъ, Олимпиадийириъ иштирак шулу. Медалар гъазанмиш апIури, дагъустан спортсмен шубари ухъу чииинди уткан хъуз гъитра.

**С**ветлана Геннадьевна Грачева – му тренер, азад къайдайинди юкъяр дисур, шубуб раЖари Урусатдин чемпионка, дюн'яйин Кубокдин кемшин призер, варихалкъарин классдин спортдин мастер ву. Дугъу чав тренерди гъилиху йицIихъуд йисандин арайиль хайлар спортыменкийир тербияламиш гъапIну, дурагин арайиль дюн'яйин, Урусатдин чемпионар Милана Дадашева, Милей Альзизова, Хадижат Муртузалиева ва хайлар жарадар а.

Светлана Грачева гизаф гафар апIур дар, сабурлу инсан ву. Думу Мягъячъалайль бабкан гъахъну. Жилирихъ хъа. Дурагиз мектебдиз гъягъюрайи бай а.

БицIивахтна Света кIакIначи вуйи, чин гъятдиль бицIидариз тамшир ва талитар тешкил апIуйи. Светлана йицIишубуд йисаъди спорт-школайль дзюдоин секцияйик каъний, амма думу чемпион хъпанди ва спортдин ляхин давам апIбанди дайи. Хъа дзюдоин дурагин тренер декретдиз гъушган, секцияйиль айи чан дустшубарихъди ШВСМ-дизюкъяр дисбаан тренер вуйи Къасум Насрудиновдихъна гъушний.

Дагъустандин сборный командайин дахилнаъди 1997-пи йисан мартдий Грачева Урусатдин чемпионатдиль гъалиб гъахъну.

– Спортын гъалиб хъуз анжагъ сад йигълан гъидидипди тренировкийир гъахури, къаст ади гъабхыштан шулдар,- кIура спортсменкай.

Сад йислан, 1998-пи йисан, думу хъана Урусатдин чемпионка гъахъну. Хъа шубуд йисан тренировкийир гъахбахъан, Урусатдин сборный командайин дахилнаъди ихъ ватанагълийи 2001-пи йисан дюн'яйин Кубокдин кемшин медаль гъадабгъну ва дюн'яйин Кубокдин призер гъахъну.

2005-пи йисан Светлана Грачева шубуби раЖари Урусатдин чемпионатдиль гъалиб гъахъну, хъасин думу тренерди лихуз хъюгъну.

– Дишагълийирин ва жилижуварин юкъ бисбан спортдин жюрийир фтиинди тафавутлу ву?

– Дишагълийирин юкъ бисбан спортдин жюре артухъди гъисслу, улихъ ккимиidi натижа аygъю апIуз даршу спортдин жюре ву! Гъарсадиҳына шаклуди янашиш шлудари, юкъ бисуб дишагълийириз вуйиб дар кIури, гъисаб апIура, амма юкъ бисбаан дишагълиирин талитариз сабпи раЖну гъафидар гъайран шулу. Дураги жилижуварин юкъ бисбан талитариъ думукъан гъисар дашлуваликан кIуру. Саспиган женгнан натижайиль шубариз 18:19 очкийир шулу. Думукъан очкийир жилари сабженгнъра гъазанмиш апIдар. Дици хъубдишагълийирин юкъ бисбаъ жиларин юкъ бисбаъттан артухъ приемар апIуз ихтияр айивалихъди аялакъалу ву.

– Юкъ бисбан спортдин жюре дишагълийин сагъламвализ хатIалуб вуйин ва яв абиир-бабар ва бағхълуйир уву спортдин думужюре қтабгъбахънафици янашиш гъахъний?

– Инсанди апIру фунубра ляхин фициб-вуш къадарнаъди сагъламвализ хатIалу ву. мисалназ, изадаш узу юкъ бисбиин машгъул хувуализ шартIсузди къаршу вуйи. Риш хулаъ деъну ва хулан мишиштиин машгъул духъну ккунду, кIуи дугъу, хъа дада узхълан вуйи. Духтири вуйи дадайиз спортдин фунубра жюре сагъламвализ хайирлуб вуйивал аygъайи. Дишагълийирин юкъ бисуб спортдин ва художественный гимнастикатан, акробатикатан, миркклиин яртубттан, пчIуатлетикатан артухъ хатIири шлуб дар. Узу гъалиб хъуз ва узкан прессайиль бикIуз, телевидениейиан улупуз хъюгъиган, адаш ва багъридар узу ахъю спортдинягъяди дурушбан гъаврий ахъний.

– Спортын му жюрийи дишагълийин юруш ва рябкъиб чIур апIдарин? Узу ихъ спортсмен баярин фурс кади лицбан саягънакан ва гъюргъю ибарикин кIураза.

– Ич командаиль айи шубариз гъюргъю ибарин дицикъян вижна ктар, хъа дид'инди фурса апIдар, саб-къиб раЖну спортзализ гъафи хайлар ихъ баяриз улупуз ккуниганси, дураги гъюргъю ибар улупури шулдар. Ав, изира саб иб дюбгънайиз. Пластикийин хиругдихъна

илтІкІузра шулу, амма... Ич секцияйиъ айи вари шубар къаматлудар ва тарапдар вуйич. Хъа, асасуб, «женг» гафну гъалибвалихъна къаст тербияламиш апІуру. Гъаддиз спортсмена гъахыдари кан хайлиндарин уймур, политикайин рякъ ва бизнес ягъурлуди албагуру.

**– Дишагълиириң յокъ бисбан тренер фицир дуխын күнди?**

– Спортдин фуну жюреиъра тренерин ляхниъ асасуб ижмивал, низам, намусувал ва дугъривал, дурумлувал важув хлиъ дисуз шлуval ву. Тренери чав низам дюбхну күнди, анжагъ хъасин чахъ тербия гъадабгъурайидарикан думу тарап апІуз шулу.

**– Ичв арайиъ гъалмагъалар шулуш, дураг фици гъял апІурчва?**

– Хъпехъуз, месэлайн гъавриъ ахъуз чалишиш шулза. Гъарсар инсандин чан хусусивал а. Шли-вуш чан гъиссар дерккру, хъа шли-вуш, гъаливал бадали чав фукла дараپІди, дици хувалин тахсир жаарарик кипру. Шлихъан-вуш чан гъиссар жин апІуз шулу, хъа шли-вуш чатинди адауру. Женгнан майдандиз удучів – душвахъ уву варитІан ужур вуйиб субут апІин.

**– Увухъ тербия гъадабгъурайидар увуз фужар шулу?**

– Сифте дураг узуз из шубарси шулзуз. Дураги узукна чин сира, жиниди уърхюрайи хиялар күру... Ахю гъахыиган, ич багахъувалин, чивалин рафттар арайиз гъюру, думу рафттар дураг спортдин гъягъбахъанра уърхюрча... Саспи йиз ученицирихъ чин хизанар, кью-шубур бицір хъа.

**– Бицівахтна фуж хъуз хиял апІуйва? Уву чемпионка-спортсменка хъпанди дайва, хъа гъаци уткан риши вуйва ахир.**

– Узуз гъарган ахю хизан хъади, йирхұртІан циб дарди бицідар аді күндийзуз. Хъа гъеле узухъ кыор байтІан хътарзухъ – сарин 15 йис, тмунурин – 8 йис ву. Дураги узуз гизаф худлар пешкеш апІбак умуд кивурза.

**– Йигъандин ляхнарин сиягъ фициб вуяв?**

– Саб къадар гъизгъинуб: спортдин кьюб идарайи лихураза ва, мидланна савайи, хипира, дадара вуза. Хулан мишиш гъабхуб ва жилиринна бицідарин гъайгъушаң хъуб уз'ин ал. Дурагиз артухъси фикир тууз күндийзуз. Хизандихъди сатІиди отпуск гъапІуз хиял айиз.

**– Ичв хизанди спортиин вари эллешмиш вуйин?**

– Жилир спортсмен ву. Хъабаяр спортиин машгъул ву, амма узу дурагиз илзигурадарза: егер дурагикан ужудар спортсменар гъахыиш, спортий үлихъ гъягъювализ

къаршу хъидарза. Хъа узуз дураги неинки спортий, жара цирклиъра пише гъадабгъын күндузуз.

**– Уву машин хъапІрава?**

– Ав, ухдитІан ва ужуи. Амма ахиримжи вахтна гизафси велосипед хъапІраза. Гизаф хайирлу ву.

**– Уву айи спортиин жюре гъагъиб вуаша, гъамци гюргегди гъузуз фици шулвухъан?**

– Спортиин машгъульвали, дадавали, узу ккуни жилирин хъайивали ужуб тясири апІуразуз.

**– Спортий даруган фицдар палтариз артухъси фикир туурвра ва гардеробдизна макияждиз фукъан вахт гъябгъораяв?**

– Спортиин форма узу шагырин гъирагъдихъна – да-чайиз, гюлихъна, дагълариз – рягътвал ийивуз гъягърутгантІан алабхұрдарза. Ич сборный командайин форма анжагъ талитары алабхұрза! Дишагълииин умунвал улупру палтар, ккуру шякъв ккайликариин алахърудар ктагъурза. Хъа узу макияж царудитІан ишлетмиш апІури шулдарза.

**– Увуз варитІан ккуни фасил фунуб вуяв?**

– Хъадгизаф күндузуз, гюлихъна гъягъюз, ригъдихъ дахъуз, гъумриин тренировкийр гъахуз, гъацира ищиди ипІуз күндузуз, иллагъки йимишар, мейвийр, жилиин битмиш гъапІу укІар. Биці тортар, гъаржюрейин ширилугъяр, дагъустан хурагар күндузуз.

**– Жара маракъар ануз?**

– Ав! Узу кофейин жюрбекет сортар ва кофе гъязур апІбан рецепттар уч апІураза. Азад вахт ккабхъиган, дустариз дих апІураза ва дурагиз йиз фирманный кофе убхұрза.

**– Увужюрбекет шағырары ве улькири гъахъунва, наанкіа удучівн гъягъиоз ккуни гъабхъундарвуз?**

– Ваъ. Узу бабкан ва аргъаж гъахы, хъуркьювалар гъазанмиш гъапІу, йиз вари багъридар ва варитІан ба-гахълуйир яшамиш шулайи Мягъячъалайиз къяляхъ зигурзуз.

**– Ихъ шағыри варитІан ккуни ииш вуунуб вуяв?**

– Айдат вуйиганси, Родопдин бульвар ва гюлихъ шағырин багъ, душваъ йиз ккуни «Хъадукар» күру хъадан кафе айи. Душваъ дюн'яйи варитІан ицци никкдин коктейль гъязур апІуй!

**– Интервью тувбаз чухсағъул! Гележегди спортиин хъуркьювалар, хизанди бахт ва мюгъкам сағъвал ишривуз!**

**ВИОЛЕТТА РАТЕНКОВА**





## ЖВУВУ ЖВУВАЗ КЮМЕК АПІНАЙ!

«Хизандиъ истисмар апіуб» гафарикна къанунди хизандиъ айи нуфусдиз апіуз мүмкин вуйи «гуж, аyr тувбан, психологияйин ва экономикайин илзигбан гъяракатар» дахил апіура.

Хизандиъ истисмар апіувал гъарган ади гъабхыну хьиди. Хъа гъамус, мялуматар хайлинси рягъятди тарагъурган, медиа-ресурсарик хизандиъ истисмарикан вакъиъир ккунибкъан каъра: адашдин терефнаан истисмарикк ккахъу чийр Хачатурянарин дело, жилири хилар хътатіу дишагълийикан вакъия, умбрариан ахъну гъакі, фикрин кыт вуйирси гысаб апіури гъахъи шубур бицірин дадайикан вакъия...

ДГУ-йин уымуми ва социалин психологияйин кафедрайин доцент, клиникайин психолог Карина Умаровайи, «Жвуву жвуваз кюмек апінай» рубрика ачмиш апіури, истисмарикк ккахъдар реабилитация апібан психологияйин къайдирикан ва саягъарикан ктибтура.

**И**стисмар апіувал наан-вушра алабхъуз мүмкин ву: айир-бабарин ва бицідарин арайиль, багахълуйириин ва багъридарин, дустарин ва гъуншириин, жилирин ва хпирин, саб классдір урхурайидарин, мялимарин, руководителарин ва гъарашуғъарин арайиль...

Пациентдихъбан разивал гъадаб-гъну, саб мисал хибдиза.

Му Дагъустандин дагълу гъуларикан сабдіс сар дишагълийин уымрий дугъан бицівахтна гъабхъи вакъия ву. Думу патриархат, яни адашдин ахъювалайи хизандиъ аргъаж гъахъир ву. Адашди кмик-кмиди хпирини, бицідариина хил за апіури гъахъну.

Гизаф бицідар айи хизандиъ думу риш ахъюну велед вуйи, дурарихъди адашдин биціну

чвера яшамиш шулайи, думуган думу балин 17-18 йис вуйи. Гъадму жигъили, хлиъ гаркіалра ади, чан биціну чирихъди ва чвирихъди ахуз дахънайи 9 йисаъ айи шурахъна гъар йишван гъюри, дугъаз айр туври гъахъну. Дугъу шураз сад-швнуд йисан, вари хизан райцентриз удучівну гъябгъайиз-къан, айр туври гъахъну. Ришухди жилириз гъушну, ва дурап жара

шагъриз кючмиш гъахьну. Думу пис къурхвалий ва, чав гъисаб апIурайиганси, чак гъадму эмдин ва адашдин улихъ айибнан тахсир кайивалин зурба гъисснаккди аргъаж гъахьну.

«Гъаз дугъу чигъар гъапIундар, гъаз дадайикна ясана бабакна чан гъялнакан гъапIундар?» – айдат вуйиганси, наразивал улупурү инсанари.

Чаз гучури хъпаз лигну! Чан уымрихъанди гучури гъабхьну! Зулумкрар кысас алдабгърудар шулу. Дугъаз зулумкар-эмдихъанра, адашдихъанрагучури гъабхьну, чан тухум айибнакк кипбахъан ва учввариди угъан идитувалихъанра гучури гъабхьну. Думу чав чак тахсир кипри вердиш духьнайи бицIи риш вуди гъахьну.

Айр туувуvalин тема хайлар инсанариз, иллагъки Дағъустанди, гъадагъа дапIна. Дицкан улхури айдат дар, хъа жамяльтди истисмарикк ккахъдарин тахсир апIуз хъюгъру. Истисмар апIбакан дарпиidi гъибтуб дюз дар. Истисмар апIувал – му уымрин къайдайилан ва къанундилан улдучIувуб ву! Истисмар апIурайир фужвуш–чве, адаш, дархи адаш, ашна – важиблу дар, истисмар апIурайиваликан, гъятта учвуз гучар ккаърашра, альгъвалатну бедбахтвалихъна хрувалин учву гъаврий адиккунду. Истисмачи гъи яв ликкарикк дахърушра, ишурушра, закур истисмар хъана текрар хъиди! Истисмачирихъан гъергай, гъятта учвуз дураг ккундушра, истисмари аргъаж шлу бицIидарикан фикир апIинай. Ихтибарвалин гъуллугъар, кризисдин центрара, гъадарин ракнарик кучай, саб дарш саб абццди!

**Гурзилиан сабпи гам алдабгъуз гучI ва къурху шулу, амма гъарсаб дақыккайилан рягъят хъиби. КIаин гъибтai: гъарган, фуну альгъвалатнара истисмар апIувал истисмачийин тахсир шулу. Истисмар апIуз къаарар истисмачий чав адаабгъуру, хъа дици хъпан себебди дугъу фуну альгъвалатра улупуз мумкин ву: къадарсуз ачухъ палат, къадарсуз ягъал сес, зирингди альхъюб, къадарсуз сес хъади ил хътабгъуб.**

Истисмарихъан бейкеф хъуб, сарихъдира гаф-Чал дарарапIуб, гучI хъувалиан алжагъуб, чан жан гъадабгъуз чалишмиш хъуб – мураг истисмарин къяляхъ тахсир ктуб-Чибан гъисснахъди, жазайхъан гучI хъувалихъди сатIиди алахъру натижийир ву.

Истисмарикк ккахъдари истисмарин жавабдарвал кми-кмиди чиина «гъадабгъуру» ва гъадму гъисснан гъагъ иицIуд иисари-инди чин къял'инди гъабхуру. Истисмарикан кIаин апIували дурагиз къадарсуз иццру апIуру ва айксивал арайиз хуру. Хъа гъацира шулук, кIаин апIбар саки гъарган къяляхъди гъюру, хъа истисмар гъапIур багахълу вуш, зиихъ хъайи вакиайиъси, умур айгъ апIуз даршлуб шулу.

Айр туувуvalикк ккахъдари чипи биябур гъахъидарди, фикир бегъем дарударди, мюгьюббатдиз лайикълу дарударди, гъайиф зигуз нубат алдрударди ясана яшамиш хъуз ихтияр адрударди гъисаб апIуру. Гъабхьиб гъархуз чалишмиш шули, дидкан пузнач апIури, дураг багахъ хъайидарихъан ярхла шулу.

БицIивахтна алахъу истисмари ахю уымриз сагъламвализ тасир апIуру. Бязи дюшюшари психикайи думу зийнэр гъархуз кюмек тувру ва дураг фагъумдиан адауру, амма, айдат вуйиганси, психика жигъятнаан чав учв терг апIайизкъан, инсан фикрар апIбаан

иццру хъуз хъюгъру, ички убхъуз ясана наркотикар ишлетмиш апIуз хъюгъру, дугъхъан айдати умур хъапIуз шулдар.

Мициб альгъвататна жевуу жуваз кюмек апIинай, пишекрихъна кюмек ккуун апIури илтIикIай. Психологдихъна гъягъювали психика чIур дубхънайиваликан кIурадар, думу гучI вал адарди, азадди, дюднгъ гъумбек гъядарди яшамиш хъпахъна вуйи сабпи гам ву. БицIивахтна гъахъи истисмарикан вариби кIаин апIуз мумкин ву айхир... ВаритIан бицIи айгъам – вар иццрушин къяляхъ хътабкуру... ЦийикIултан гучI, иццрушин ва тахсирнан гъис арайиз гъюру...

*Истисмар апIбан темайиз гъи вары дюн'айш эгъемият тувра, гъаддиз узуяв бедбахтвалий ялгъуз дарувалин гъаврий хъуб важиблу ву. «Йибуруши – ккунду» гъисаб апIрударин сесер ийгълан-ийгъаз зарбди ерхъура. Чин ицирушинакан пуз гудручIру дишагълийирин къадар артухъ шула. Истисмарин айхир баҳтлуб шлуб дар, думу гележег хътру гъюбгъю умур, чIур дапIинай психика, жевуан хусуси сес дубгуб ва дерин айссивал ву. Закур уэсу шлувалик умуд кивуз хай шулдар. Меккебехъанай, кюмек агай! Истисмарин натижийир къяляхъ апIуз дуришлудар хъуз мумкин вуйиб кIаильан магъапIанай!*

Карина УМРОВА





# РЯГЫМЛУ ЮКІВ АЙИ ЧИ

**К**аспийск шагыры мединин цирклизихурай ива улихънаси коронавирусдихъди женг гъабхаз ихь республикайин главайнин терефнаан «Чухсагъулун кәлжүз» лайикълу гъахы Минаят Исмяиловайихъди гюрюшмиш гъахынча. Думу гизаф гафар дарапіру, флану альгъвататназ кымат тувуз гъялак даршлу ва чакан ктибтүз думукъан ахю ашкъадрутабасарандишагълы ву. Дугъан сабурлу, амма гъадму саб вахтна мани, чахъна зигру чатан суратну сагъ хувалик умуд кивуз ва сагъ шлувалихъ хъугъуз гъитру, гъадму саб вахтна варитан читин узрихъдира женгнаң учівуз ва уймур давам апіз күвват тувру.

Хъа чин хизандикан, багахълуйирикан вуйи дугъан аймал кадру ачухъ ихтилатнахъ хъпехъруган, дугъан шикил арайиз гъору: намус хъайи, абириин айдатарин гъюрмат зади убхюрайи, чан ляхниин юків али дагълу дишагъли.

Минаятдихъан, мединин пише гъаз ктабгънуш, гъерхнийза.

— Йиз дада Сефият Исмаилова чан вари уймри мединистра-акушеркади гъилихнун. Духтариҳъди кыт вуйи думу вахтари дугъу райондин шубуб гъулан агъалиири ингтияжар гүркіри гъахынун. Дугъаз ищрударихъна гъягъюз ликри хайларин рякъ ккадапіуб алабхъуи. Кми-кмиди дадайихъди узура гъягъюза. Ичарғунара ижилгъири, гъванара ии рякъяри ликариин алахърударик гъял гъубздайи. Инсанар дадайиз фици ккилигуруш, дугъахъинди фици лигуруш, рябкъойзуз, иллагъ-ки ФАП-къан адрушвари мединистра дурагиз саки аллагъыи вуйи. Дадайиз дишлади фикир жалапіззи, читин дюшюшары къарап къабул апізура айгъайи, хъа ищру апіру рубар дугъу гъаци рягъяди ийвики, инсанари гъарган дугъан хилариз сагъвал ккун апіуйи. Дадайхъна инсанар фициб гъюрматниинди янашиш шулуш, дугъин фициб хъугъвал алш, узуз рябкъойзуз. Ва бицідихъанмина дуихтир вай, хъа ич дадаси, мединистра хъуз хиялар апіуйза.

Вари гъаци хъузра гъабхынун. Каспийскдиль медучилище ккудубкінүү, Минаят Исмяилова Хив райондин багъри Гъвандикк гъулаз къяляхъ гъафну ва душваъ хъуд ийсан мединистра гъилихнун. Дугъаз чан ляхин гизаф къабулди вуйи. Жуван ватанагълиириин ачухъ машар рякъруган, ляхин хъанаара ахю жавабдарвалиинди тамам апіз ккун шуйи.

— Гъаддиз Каспийскдиз удучівнұ гъягъюб дишла къабул гъапіндейза. Хъа къандиси Каспийскдин бицідариин поликлиникайи лихуз дустарира дих гъапіндейзүз.

Душваъ гъагъ хайлин айиб альгъяшра, узу участокдин мединистра гъуллугъини лихуз дишлади разивал түнүйза, — ківаин апіора Минаятди, — узуз сарун ляхнихъди вердиш хъуб лазим дайзуз, узуз ляхин гъудубгъниза, мидланра савайи, бицідариҳъди ашкъаниинди лихуиза. Дюз гъапиш, узу жизби ляхниза фикир тувур вуза ва дұхтри тяйин дапінайи вари ляхнар дарапіди, архайн шулдарза.

— Узуз уймри асасаб — му инсанарихъан узухъна къяляхъ гъюру манишин гъисс апіуб вузуз. Гъадму манишну күвват тувразуз, — давам апіора дугъу. — Дадай гъарган узуз жарарихъ хъпехъуз ва дугъан сес ебхъуз улупуйи. Дағълары, дюзенди яшамиш шулашра, дағъустан халқъарин рягъят дару уймрин къайдай эвелиан неинки жуввъанди, жуван хизандихъанди, хъа гъацира яв багахъ хъайи инсанарихъанра жавабдарвал гъисс апіуб арайиз хуру. Гъадму ву альсариинди саб хизанси ва ахю насларин аяндарвалин бинайиинди яшамиш шулайи Дағъустан. Халқъдин сабвал гъисс апіуб ихъ гъарсарин ифдик ка.

Узу Минаятдихъан, чав пандемияин къурхуллу вахт фици алдапінуш, гъерхнийза. Дугъу, дикъатнаан гафар гъюдюхюри, къурхулу йигъар ківаин гъапіннийи ва гъаригъандин ляхниканси айдати саягъ ктибтнийи.

— Хъа вирус кубчівдариҳъди ляхин апіз гучі шулдайи? — итірхурайза дугъан.

— Айдати дару альгъват арайиз гъюрайивалин гъаврий айза, фуну герендиъра узукра узур кубчівуз мумкин вуйи, — ктибтура дугъу. — Хъа узу узуз суал тувида: узу дарш, шли?

Узу иццрудар вари ужуйи шлубдинн инанмиш апIуиза.

Минаятди, чаз фицдар шаралтариъ лихуб алабхънуш, чумайхъан уърхру халат алабхъну, иццрударихъна дих гъапIу иишваз духтра-рихъди сатIиди фици гъушнуш, ктибтний.

– Хъа дих апIрушвар гизаф вуйи, бязиган графикдинди дарди лихубра алабхъуй. Думу сар медикдихъанра, ляхнинийгъ ккудубкIиган хулазгъягъидиза, пузшувахт дай. Ваъ, учуз сарира, иццрударихъна гъа-рахай кIури, гуж гъапIундай, амма йизгъарашигъари, неинки чпин, хъа гъацира чпин багахълуирин умрзиз къурху ашра, чпин вахт, ясана сагъвал гъайиф гъапIундай.

Гъелбетда, коронавирусдин вахтна читин графикдинди лихури гъахъи Минаят учвра пневмонияйихъди иццру гъахъну. Сагъ гъахъиси, щийикПултIан ляхниз улучIвну.

– Ич коллективдиз сари сар гъю-дюхювал, сар-сариз кюмек апIуб айич, учуз думу багъя вучуз. Ва пандемияин къурхулу йигъари учу, бизарвализ дилигди, уъзур кубчIувалихъан гучI дарапIиди, сари сар гъюдюхюз чалишмиш шуйча. Къурхулу вазари медикарикан гъарсар умрихъна жара саягъ лигуз гъйтнуну, дурагартухъси рягымлудар, юкIв убрудар хъуз мажбур гъапIину. Ваъ, чашмиш хъуб адайи,- кIваин апIура Минаятди,- хъа фу шулуш альдрували, гъелбетда, илзигуй.

Узук сарун жигъилар дару йиз аби-рбабарихъанди дерд кайзук, шюкюр ибшри первердигариз, дуарихъна думу тIягъион гъафундар, хъа йиз жилирик, чуччук думу уъзур кубчIв-ниий... Азад дакъикъа ккабхъубси, узу дуарихъна жаргъуиза, лазим вуйирubarийвайза, дуарингъайгъу зигуз чалишмиш шуйза.

Учу аби-рбабарихъ йирхъур ве-лед хъача, ва гъарсар учтIан яшнан аяхюриз чахъан шлубдинди гъюн ккивуз чалишмиш шулу. Хизандиъ шубур чуччу жув медицинайиз баҳш гъапIунча. Духтирвалин пише къабул гъабхъунчуз, ва гъамус пуз шулуки, думу ич сихлинуб гъабхъну. Гъамус ич хизанариъа гележегдин духтар, медсестрийир аргъаж шу-лайч.

Ав, чан кюмек лазим вуш, Минаят дюн'яйинтму кIакIнахънарагъягъюз гъязурди ву.

– Альгъязуз, коронавирусдихъди женг гъабхуз ухъуз альгъю дубхъ-найиганси вушра, думу гъеле инсандиз хатIалу ву, дидихъди гизаф вахтна иццури гъузру,- ктибура дугъу.-Хайлиндари, республикайъ коронавирусдин гъалиб дуҳнайиб гъисаб апIури, маскайир алахъури имдар. Хъа эпидемия ккудубкIину пуз ухди ву, хатIалу уъзур фунурика кубчIувуз мумкин ву, гъаци вуйиб кIваин гъибтну ккунду.

Минаят азад вахтна фтиин маш-гъул вуш, маракълу гъахънийза. Думу гъяальхъний:

– Хулаъ я хялар, ясана халачийин дуркъар адру табасаран хизан тек-бирра рябкъидарвуз. Йизра гъашиб хизан вуйиз: учу сатIиди суфрайихъ деуз, гаф-Чал, ялхъвнар, зараф-тар апIуз аышкъининди уч шулча, узуз халачийин дуркъарихъ деузра ккундузуз. Гъаци вуйивали яшамиш хъуз ва лихуз къувватар тувру.

– Минаят Исмаиловайиз бахтлу дишагъли пуз шулин?

Минаят йизму суалниин мюгътал гъахъну.

– Узуузужара умурккун апIайза.

«Рягымлу юкIв айи чи» гафар мяълиси ерхъуру,- кIура дугъу,- иццурайи бицIидарихъна узу фициб гевюлиинди гъягъюруш, альгъянуз? Рюгъну мяъли апIуру!

Дугъан машнакна инчI гъафнийи:

– ЙицIимирижид йис сад ийгъеси гъушну,- кIура дугъу,- ав, узу дугъри-данра бахтлу инсан вуза...

Машнак шаду инчIра кади, Минаятди чаз республикайин Глава В. Васильевдихъан туви Чухсагъулин кагъаз улупура, дидиъ Республи-кайин Главайи Минаятдиз коронавирусдихъди женг гъабхбак пай кивбаз, гизаф йисарин фидакар зегъметназ ва пишекарвализ лигну, аферин кIура.

**«Дагъустан дишагъли» журна-лин терефнаан учтура увуз альгъо чухсагъул кIурача, рягымлу юкIв айи чи!**

**Айшат ТАЖУДИНОВА**





## ДУХТИРДИ БАБКАН ДУХЬНУ ККУНДУ...

«Къаб фициб вуш, йимишра гъациб шулу», - кIура халкъдин мисалиъ. Хъа гъамцира кIуру: «Архийр фицдар вуш, бишIидарра гъацдар шулу». Жигъил бажаранлу альим, медицинайин илмарин доктор, профессор Нариман Гъяжиевдикан сабпи ражну гъеебхъиган, гъадму мисалар кIваин гъахънийиз.

**Н**ариман – му Къарабудагъ-кентдиан вуйи Гъяжиеварин сихлин машгъур ва гюркемлу вакилари кан сар, хизандин баркаллу аьдатарин баркаллу давамчи ву.

Наримандин ахюо аба Айдилгъяжи Гъяжиев машгъур военврач, Ватандин Ахюо дявдин ветеран вуди гъахъну. Дугъан гъуллугънан си-ягъна альжликкан къутармиш гъапIу варжарииндига агъзарииндига совет эскрап а. Варитлан къурхулу, гъагъи дакъиkeyриз жигъил духтри, операциир апIру гаркIал дипну, хилиз автомат гъадабгъуйи ва женгнан юлдари хъди сатIиди душмни хъди пис кЧихбарий учIвуий. Магъа фронтдин газатди ихъ машгъур ватанагълийикан фу гъибикIнуш: «Крым бадали гъурху женгарин садпийигъарилантина медицинайин гъуллугънан офицер Гъяжиев илла-гъаки тафавутлу гъахъну.

Гъяжиевди гъуллугъ апIурайи гъюлин пехотинцийирин подразделениейин улихъ немцар чпи

дидиснайи сенграгиран фу дапI-нурга ултIуккбан месэла дивний. Гьюжумдиз гъудужвнайи морякар дерккуз даршлу саягънинди улихъ гъягъюрайи, амма сабпну арчул тре-рефнаан душмнин пулемет либхуз хъюбгънийи. Гьюжум дебккний, эскрап жилиин дахъуз мажбур гъахънийи. Душмнин пулеметди морякар ккуршврайи. Гъяжиев, чан умрилан хил алдабгъну, душмнин пулеметдихъна чвурхури гъушний. Багахъ духьну, дугъу пулеметдихъ хъайи душмнаар терг гъапIиний ва морякариз хъана гъюжмиз за хъуз мумкинвал тувний. Душман сен-грагиран гъергуз мажбур гъахъний. Гъадму женгназ лигну, военврач Айдильхан Гъяжиевдиз «Урту Хяд» орден тувний.

Ахюо абайин дявдикан вуйи гъякълу ихтилатарихъ Нариман гъяйран духьну хъпехъуй. Мумкин ву, гъадмуган дугъан жигъил кIав з военврачдин пише ктабгъуз хиял арайиз гъафуншул.

Мягъячгъалайн 22-пи нумрайин мектеб гъизилин медализ ккудуб-кIину, Нариман Сакт-Петербургдин военный медицинайин академияйик урхуз кучIвру.

Гъамус Нариман багъри юрданхъан ярхла айи Санкт-Петербургдий яшамиш шула ва лихура. Ич багахъ дугъан дада, машгъур духтири, «Талги» санаторийий невралгийин отделениейиз гизаф йисари регъбервал туви Маржанат Гъяжиева хъади ужайи гъабхъну.

– ДумубицIидихъанмина аьдатнан дару гъарсаб шейъ аьгъю апIуз ккунивалииндитафавутлу шуй. Дугъаз вары аьгъю апIуз, варибдин гъаврий хъуз ккундий. Гъацир сикин дару «суалчи» вуйи думу. Дугъан бязи суалари саспиган гъафил апIузу. КIуруганси, думу йигъарииндига варь, сяътиарииндига ахюшлударикан вуйи. Хъубпи классди урхурайи дугъу гъюкмин ерли органаиз депутатди ктагъурайи касдин ихтибарвал али вакил хъуз къаст гъапIу дюшюш

гыч кІваълан гъябгъюрдари. Сечкичириз дицир агитатор мугагъназ бажагъат гъяркъюншул! Думу хулариз гъягъойи, листовкий тарагъуйи, инсанар уч апIуи ва, чан кандидатдихъанди сес тувуз дих апIури, улхбар апIуи. Жара дююш: думугандутъан 11 йисвуйи, дугъу чан харжариз пул гъазанмиш апIуз къаст гъапIнийи. ГвачIини ухди гъудужвну, чапханайиз душну, гъеле типографияйин рангнан ний хъайтазагазатар сабишв'индимасу гъадагъуйи, хъасин автобусарын ва троллейбусарын пассажирариз масу туви. Хъа дугъу гележегдіз дұхтрин рякъ ткабгърувалиннан хизанди саррашаклудай. Дугъазайзляхназ гъюз гизаф ккундий. Йиз гъарашугъари пробиркірихъди фици «сюгъор апIураш» лигури, дугъхъан лабораторияйи сяътириинди деңең гъузуз шуйи, – кІваин апIура Маржанатди.

Маржанат сабпуну ккебехънийи.

– Гъайиф, гъи ухъухъди дугъан адаш Къазихан хътар. Думу дугъри инсан вуйи. Думу Къарабудагъент райондин судди гъилихну ва, гъоликк ккахърайи яшлу дишагъли къутармишапIури, гъакIину. Гъамус думу чан бал'ин фукъан уткан хъидий! – ухът алдабхънийи Маржанатдилан.

Наримандин уымрикан артухъ аygъю хъпахъ дугъан метлебнахъна вуйи гъяракатниин, чан гафниин дийигъувалинн, рюгънан къувватниин гъяран шулва...

Медицинайин академия уьру дипломдизккудубкIбахъандуму Кафари Кавказдин военный округдіз хирургдилихузгъарь. Гибгъравузки, думу чан метлебнахъна хъуркыну, амма дугъу гъадагъу гъадму сабпи хъуркъувалин кIакIнахъан илимдин щийи кIакIар хътIигънийи.

Нариман медицинайин академияйи урологияйиан клиникайин ординатурайи учIвнийи. Ординатурайи урхури шубуд кIуру йисан дугъу кандидатвалин диссертация хъуркъувалинди гъюбхну. Хъа къандиси – докторвалинра!

Гъи ихъ ватанагъли профессор, Санкт-Петербургдин Гьюкуматдин медицинайин сабиуниверситетдин урологияйиин отделениеин руководитель, варитIан заан категорияйиин дұхтир-урологи. Мидланна савайи, Нариманди гъяфтайи къоб ражну-

Урусатдин МЧС-дин экстренный ва радиационный медицинайин центр читин операцийи апIура.

Урхру ва лихру вахтна Нариман Гъяжиев саки гъацI дюн'яйилан илдицнү. США-ийин, Германияйин, Бельгияйин, Чехияйин, Австрияйин, Китайин клиникайири чан гъязурлугвал за гъапIину. 2017-пи йисан Лондонді дюн'яйин ужударсдар урологар уч дұхънайи варихалқарин мастер-классды Нариман Гъяжиев жюрийин кIулин приздиз лайиклы гъахъну.

Беденди гъванар айивалин узур сағъ апIбаан дугъу тартиб гъапIу методика Германияйин клиникайирик яркүди ишлетмиш апIура. Дииз гъаци кIуира ву – «Гъяжиевдин методика». Нариман Гъяжиев Европайнин ва Америкайнин урологарин ассоциацийиин член, эндоурологарин Варихалқарин обществойин ва Урусатдин урологарин обществойин член ву.

Нариман неинки гизаф ужур дұхтири, хъа гъацира ккуни жилир ва гъайгъударвал кайи адаш ву. Дугъу чан къисмат украин шурахъди сатIи гъапIину. Думура, Нариманси, дұхтири ву ва Санкт-Петербургдин клиникайирикансабдилихура. Наримандин хипири, чан бағахълуйирин наразивалариз дилигди, ислам дин къабул гъапIину. Дуарин баҳтлу хизанди надинж бай ва сар уткан бицIи ришигъаж шула.

Маржанатди чан балин сабсана сир ашкар гъапIунчуз. Саб вахтна Нариман дзюдойиин кІваантIан машгъул гъахънийи, дугъу вариуруссатдин талитари гъидисний. Хъа гъамус, чаз ляхнихъан вахт адрувализ дилигди, хъуд ийиса айи чан бай Адамдихъди гъяфтайи шубуб ражну боксдин зализ гъягъюра.

Нариманди гафар апIрган думу затра фурс ктрур вуйиб гъисш шуйи, ва ич журнализ интервью тузвуз дугъан разивал гужназ гъадабхънийза.

– **Интернетди ви прессайиът увкан анжагъ ужудар гафартIан адар, хъа яв дұхтирвалин тажрубайи уву швумал шлуб фукIа гъабхънийин?**

– Дұхтрин рякъ – мугъарган шакловалайи, фикрари абцIайи, дарвалар айи рякъ ву. Гъелбетда, му рякъюъ

цИбди шадвалра а. Медицинайи, гъайифки, ахтармиш дапIну адруб ахтармиш дапIнайибTан артухъ а. Гъелбетда, йиз тажрубайи рузы гъамус гъайиф зигурайи дююшар гъахъну, хъа узу дуарикан даркIуз чалишиши шулза.

– **«УзуртIан улихъ гъягъюб» гафарин мянайин фици гъаврикк ккауз шулвуухъан?**

– Ииз фикриан, думу гафарин мянанашкар ву. Узур аygъюди хъуб, яни, диди фуну иишваз йивуруш аygъю хъпан ва улихъ ккимиidi вуйи уылчмайир къабул апIбан бадали, диагноз дюзди дивублазим ву, кIурайи гафбу.

– **Медвузарин гъамусдин выпускникин аygъюваларин ва гъязурлугвалин дережайиз фициб кымат туврава?**

– Гъайифки, му вариуруссатдин гъял дарапIу месэла ву. Амма сабякынди пуз шулзуухъан: заан образование – му, сабпи нубатна, чав аygъювалар гъадагъуб ву.

– **Дагъустан дұхтрарихъди аylакъайир урхюрава?**

– Гъелбетда, урхюрава! Дуарикан хайлиндар учухына урхузгъюру. Учу гъацира Кафари Кавказдин тяйин дапIнайи вахтна конференцияи гъахури шулча. Сад-швнуд йис улихъна учу Хасавюртдин конференция гъубхунча, дииз гъам дұхтрарин, гъамсана ищрударин арайи зурба хъуркъувал гъабхънийи. 2019-пи йисан Грозныиин эндоурологарин конгресс гъубхунча.

– **Дагъустанди дарман кайи штарин шубудваржтIан артухъ булагъар а. Мисалназ, Уйташ кIуру иишвава айи «аэропортдин» булагъ. Дидкан вуйи гафариинди, думу шид дарман кайиб ву...**

– Ав, Дагъустан дугъридан табиа-тудин булагъаринди девлеттлу ву. Уйташ иишвава айи булагъикан улхуруш, диин шид беденди гъванирайи ищрудариз ишлетмиш апIуз теклиф дивуз шулу. Йиз фикриан, думу булагъ мили клиникайиин теклифарин сиягъна тIапIбан бадали, дериндиан ахтармиш валар гъахуз вахт ву.

– **Урхудариз фу ккун апIура?**

– Ичв сағъвал убхай, уымур Первердигари анжагъ саб ражну ухъуз туврайи пешкеш ву!

**Паху Гъяйбуллаева**

# МЯЛИМ



Гъийин деврин дишагълийи, хпириси, дадайиси, кейванийиси, чав кадабгънайи ляхниъ пишекрисира чан вазифийир тамам апIура, гъадму саб вахтна хизанра кIули гъабхура. Дицдар хъуркъувалар айи дишагълийирин ччуураг хайлин ктухуз шулу. Хъа узуз дагъларин дидикIну адру къанунариз ва рякъяр-ражариз вафалуди гъузну, багахъ хайи инсанарин ккунивал ва дерин гюромат гъазанмиш апIуз гъахъи сар дишагълийикан ктибтуз ккундузуз. Думу Бика Гъядадаевна Мягмудова ву. Думу уткан инсан, чахъди фужкIа тевуз даршлу мялим ва эvez апIуз даршлу руководитель ву.

У жудар, лайикъулумялимарухуух гизаф а, амма Бика Гъядадаевна узуз анжагъ мялимтIан дарди дарзуз. Чан ляхин ужуйи аыгъю насыгъятчи вуйи дугъу йиз хусуси умриъ важибуль роль уйнамиш гъапIну: ватанпервервал, дугъривал, зегъмет зигуз ккунивал тербияламиш, умринфицдар вушра аыгъвалатариъ фурс ктур ва сабурлур хъуз насыгъятар тувунзу.

Бика Гъядадаевнайи учуз тарихдин, обществознанийин ва правоведенийин дарсар кивунчуз. Сабчи нубатнаъ, дугъу чан заан пишекарвалинди думуган гъеле бицир вуйи йиз рюгъ рейиз гъадабгънийи. Гъамусдиз учуз дугътан жягътлувал, дарсарыъ рюгъламиш апIуз аыгъювал кIваин илмичуз. Думуган гъадагъу аыгъювалар ич гележегдин артмиш`валин мюгъкам бинагъахънийи. Магъяич Арадайн къялан мектебдин выпускники, урхурайидари варидаrin развива-лиинди Бика Гъядадаевна чин варитIан ккуни мялим вуди гъисаб апIури къад йистIан артухъ ву.

Тарихдилан савайи, Бика Гъядадаевнайиз литературайианра дерин аыгъювалар а, машгъур урус шаиарин яратмишарикан аыгъя, тарихдин муясанатмугъядисайихъди аылакъалуди дурарин гафар кIуру. Гъадди, мумкин ву, узу филологдин пише ктабгъбаз тясир гъапIуншул. Ва гъи учуз, дугътан гъарашуугъариз, Бика Гъядадаевнайин дарсариз гъагъювали жуву жуву`ин лихуз, жувуан пишекарвалин лишнар за, аыгъюваларин хазна артухъ, дюн`я рябкъювал яркъуапIуз гъевес арайиз хура...

Дугътан вафалу ва рягымлу зегъмет ихъ республикайиъ ва гюокуматдиль лайикъувалинди къайд дапIна, мициб аыгъвалатну кIваантIан шад апIуру. Мектебдиль мялимди ва директорди лихурайи йисари Бика Гъядадаевнайи мектебдиз, багъбанчийи чан ккуни багъдизси, хъайивал ва яваш-явшади бегъер учгъапIну. Бика Гъядадаевнайин хазнаханайиъ гъалибвалар, наградайир, лайикъулу ччуураг, чухсағъулар гизаф а.

Бика Гъядадаевна ватандаш`валин тереф учIруди дисбенайир ву. Думу Хунзах райондин жямляйтлугъ палатайин член, 2009-пийисланмина

«Саб вуйи Урусат» партияйин член, «Невайин образованиеийин ассамблеяйин» член ву.

Бика Гъяжидадаевна 2019-пи йисан «Гизаф милләтәр айи Урусатди хизан» форумдин хизанарин тухмарин Варихалкъарин «Хъугъвал. Умуд, Ккунивал» күру Х юбилейин фестивалий «Йиз пише – йиз утканвал» номинацияйи гъалиб гъахын.

Думу 2019-пи йисан июндій варихалкъарин «Гъизилин шар» премияйихъди лишанлу гъапІну ва гъадму премияйин тешкиллувалин комитетдин председатель, РФ-дин Госдумайин депутат, образованиеийин Комитетдин член Е.А. Митинайи дугъяз чухсагъул гъапнун.

2017-пи йисан майды Арадайин мектебдій дагъустан прозаик Г.К. Галбацовдин ирсназ бахш вуйи республикайин эгъемият айи серенжем күли гъубшну.

Директори гъизигу зегъметарин натижайи мектебдиз «Хунзах райондин Г.К. Галбацовдин ччурнахъ хъайи Арадайин СОШ» ччур тувнун. Думу шадлугъары гъуландарилан савайи, Дагъустандин писателарин Союздин председатель Мягъямед Альгъемедов, писателар, шаирар, гъашугъар, Хунзах райондин вакилар иштирак гъахын.

Бика Мягъмудовайин ляхнин сабсана тереф ачуҳ апІуз ккундузуз – багъри юрд альгъю апІуб. Думу ляхин дугъу ківаантІан ва бизар дарди гъабхура.

Бика Гъяжидадаевнайи саки къад йисан мектебдин юрд альгъю апІбан кружок гъабхура. Жара ляхнтара гизаф айвализ дилигди, гъадму ляхниин гизаф машгъулди ву, республикайи шулайиб, яратмиш апІурайиб улупуз чалишмиш шули, дугъу урхурайидарахтармиш'валин ляхнихъдира таниш апІура, гъацира гъубшубдиз гирамиди гъюмат, улькейин, республикайин, райондин, гъулан тарих альгъю ва ккун апІуз дих апІура.

Дугъан жягътлувалин натижайи мектебдій урхурайидариз республикайин уткан йишварихъди таниш хъуз мумкинвал а. Хъа урхурайидар швнур машгъур инсандихъди гюрюшигъахын! Дагъустандин халкъдин шаирар Фазу Альиевайихъди, Расул Гъямзатовдихъди. Хъа Ватандин Алью дявдин ветеран

Закарья Усымановдихъди гъахы гюрюшар ківаьлан гъягъюрадариз. Авар театрий Мягъмуд Абдулхаликовди ва ГТРК-ий Галбацовди, писателарин Союзды машгъур писателари ва шаирари учу маниди къабул гъапІний. Вари гъаму гюрюшар ич ккуни руководители тешкил гъапІдар вуйи. Учу, гъулан бицІидари, думу сиягъятар ва гюрюшар хъуз мумкин дарударси гъисаб апІуйча: кюгъне Дербент, ягъал дагълары айи Гуниб, гирами Ахульго, альматнан Чиркей ГЭС, аьдатнан дару

мялимарииз вуйи варииурсатдин сайтариш Ташайи дарсар - уч гъапІну, думу гележегдин наслариз девлетлу ирс ву.

Хъа мектебдин хореографияйин шубубражнун Москвайи сягънайин чан устадвалулупу «ДичІвли шубар» ансамбл!

Жямяйтлугъдиз важибула ва хайирлу ляхнариин машгъул вуди, Бика Гъяжидадаевнайи чан хизанра фикир адарди гъибтнадар. Думу шубур веледдин ккуни дада, жилирин гъаврий айи хпир, ужур кейвани ву.

**Бика Гъяжидадаевна – ДР-ийн образованиеийин отличник, «РФ-дин уымуми образованиеийин гъюматлу гъуллугъчи», «2008-пи йисан ужударсдар мялимарииз президентдин грантарин гъалибчи», ДР-ийн «Йисандин ужурсир мялим – 2007» конкурсын республикайин этапдин иштиракчи, ДР-ийн «Йисандин мялим – 2007» конкурсын республикайин этапдин финалист, «Ухъу яшамиш шулайи хулар» Премияйин конкурсын программайин гъалибчи, Республикаин «Образованиеийин кіакІначи – 2017» конкурсын иштиракчи ву.**

Байкал, багъри Хунзах райондин юрд ахтармиш апІуб метлебниинди вуйи сиягъятар. Музеяриз, театрариз, кинойиз, библиотекириз гизаф гъягъюб, ахю сиягъниириина удучІув – муарвари Бика Гъяжидадаевнайин лайикъувалар вуйи.

Йиз фикриан, чан ляхнии Бика Гъяжидадаевна ктүркіу тема ва месэла адар. Дугъу «Арада гъулан тарих нақъ ва гъи», «Батлаич гъулан аьдатар ва рякъяр-рჯар», «Батлаич – литературайин булагъ», «Йизбици ватан Батлаичдин аьдати сяняльтар», Мягъямедов Мягъямед Альгъемедович дигъаш вуйи «Мягъямедоварин хизан уылкейин тарихди», профессор, археолог, юрд ахтармиш апІур ва тарихчи Мурад Гъяжиевич Мягъямедовдиз бахш вуйи «Хазарияин Колумб», «Афғанистан – йиз ківан иццрушин», «Чиркей ГЭС – Дагъустандин утканвал» ва хайлин жара эсерар Батлаич гъулан ва гъуландарин тарих ву.

Гъулан тарих, игитар, шаирар ва писателар ахтармиш апІури, Бика Гъяжидадаевнайи зурба къадар материал – ахтармиш'валин ляхнтара, гизаф къадар докладар, газатары шаирар чап гъапІу макъалайир, журналары чап гъапІу макъалайир,

«Бажаранлу инсанварибди бажаранлу ву» мисалахю гафдарди Бика Гъяжидадаевнайикан ву пуз шулу. Дугъу чан архийириз ва айир-бабариз лайикълу веледар тербияламиш гъапІну, дураинди неинки багъридаихъан ва багахълуйирихъан, хъа гъацира багъри гъулхъан, райондихъан ва варипеспубликайихъан уткан хъуз шулу.

Риши Рукъиятди мектеб гъизилин медализ ккудубкіну, гъацира «ууру» дипломдиз вуз ккудубкіну ва Мягъячъалайин 2-пи поликлиникайи дуктириди лихура.

Аххиону бай Мягъямедира тафауттувлувалинди мектебдиз ва ДГУ-ийин экономикайин факультетдиз гъурхну. Думу «Марс» компанияйи Кафари Кавказдин ругарииин артмиш'валин экспертди, мутму масутувбаан региондин менеджерди лихура.

Гъаму альматнан дишагълийиз гележегдира яратмиш'валин хъуркувалар, ккудубкіру гъевес, мюгъкам сагъвал, ярхи умур, хизандин хушбаҳтвал ва ківан албагувал ккун апІураза.

**Асият ГҮОСЕЙНОВА**

# Женщина Дагестана

На табасаранском языке



## Учредитель:

Министерство информатизации, связи и массовых коммуникаций РД.

## Главный редактор

Н. М. КЕРИМОВА  
e-mail: J-dag@mail.ru

## Редакционная коллегия:

заместитель главного редактора  
А. Ю. АБДУРАХМАНОВА,  
e-mail: delia25@mail.ru

ответственный секретарь  
С. Х. БУЛГАЕВА

редактор русского выпуска  
Г. Х. АСАДУЛАЕВА

редактор аварского выпуска  
Б. Ш. МУХИДИНОВА  
bahu4y@mail.ru

редактор даргинского выпуска  
П. Г. ВАГИДОВА

редактор кумыкского выпуска  
П. Х. ХАЙБУЛЛАЕВА

редактор лезгинского выпуска  
Н. Н. ИБРАГИМОВА  
e-mail: shikhnabieva1981@mail.ru

редактор лакского выпуска  
З. Т. АБДУРАХМАНОВА

редактор табасаранского выпуска  
С. М. ИСРАФИЛОВА

## Корреспонденты:

Э. ИБРАГИМОВА,  
А. ТАЖУДИНОВА,  
В. РАТЕНКОВА.

Заведующий редакцией  
С. М. ГАМЗАТОВА

Художественный редактор  
Г. А. КУРБАН-АДАМОВА,  
e-mail: guleymat@mail.ru

Адрес редакции и издателя:  
367018, Республика Дагестан,  
г. Махачкала, пр-т Насрутдинова, 1<sup>а</sup>.  
e-mail: j-dag@mail.ru

Журнал отпечатан в типографии:  
ГАУ РД Издательский дом «Дагестан».

Телефоны редакции:  
65-00-36, 65-00-37, 65-00-39, 65-00-40.  
Официальный сайт журнала «Женщина  
Дагестана»: женщинарадагестана.рф

Сдано в набор 25.08.2020.  
Подписано в печать 02.09.2020.  
Формат бумаги 60 × 84<sup>1</sup>/<sub>8</sub>.  
Объем: 5,5 печ. л.  
Заказ № 0915. Тираж (3519)325 экз.  
Журнал для семейного чтения. Издается с 1957 г. Выходит на аварском, даргинском, кумыкском, лакском, лезгинском, русском, табасаранском языках один раз вдвамесяца. Свидетельство о регистрации СМИ ПИ № ТУ05-00429 выдано Управлением Федеральной службы по надзору в сфере связи, информационных технологий и массовых коммуникаций по Республике Дагестан.

На блоках:  
I – Анжелла Абдуллаева, руководитель клиники «Сантефамм»; III – Старый Гоор.

# Йирси Гоор



Шамиль райондиль Авар Къойсу нирин дерейиль дявдин Чівурдаринди адлу, гъябатлу, кадабхъу Йирси Гоор гъул ерлешмиш дубхъна. Ужуди гъузнайи Чівурдар гъулан гъюрдарин гъаравларси дазаргна. Гоорин Чівурдарин гъварч федералин эгъемият айи ядигар ву. Гъул арайиз гъафи вахт якынди аygъдар. Гъисаб апIураки, Гоор ччвур мушваъ гъарган шлу миkар хъивувалихъди аylакъалу ву: авар Чалниинди миkI «гъури», «гъоор» ву. Гъулан агъалайр Цийи Гоориз кючиши гъахъну, душваь 750 кас яшамиш шула.

Йирси Гоориз кафари терефнанди аygъю даршлугансиб жилгъайиьдIан, рукъян яркъу Чулар али ккуру урнариантIан гъюз шулдар. Урнарихъ гъарган яракъламиш духънайи гъаравлар хъяди гъахъну. Гъул душмнари къялац тапIру дюшюназ гъарсаб тухми Чівурд тикиши дапIну ккундийи. «Гъвандин гъаравлар» варии ургуб ади гъахъну. Ихъийгъариз шубубтIан гъузнадар. ВаритIан ягъли, сад-швнудийис улихъна абхъу Чівурд 25 метрягълишин алиб вуди гъабхъну. Имбударин ягълишин – 10-15 метр ву.

Чівурдар чарасуз юкъуб мурчвнандар, юкъуб мертебайиндар духъну ккундийи. Дураин цалариъ, душмнар алархъиш яракъариан иивуз, бици улдар ади гъахъну. Гъарсаб мертебайиан мертебайиз удучIвру ккуру иишв ади, хъа удучIвуз гъядрар киври гъахъну.

Чівурдарин багахъ кьюб мертебайин хулар хъади гъахъну, дураихъан гъюрдартIан гъузнадар. Аьдат вуйиганси, сабпи мертеба маларин ахъ вуди гъабхъну. Инсанар яшамиш шлу хуларин унчIвар ва раккнар хатIасувзгал бадали бицииди апIури гъахъну. Раккнарихъ иишвнугъа хъипри, хъа унчIварин куулар хъерхъри гъахъну.

Хуларин цаларий айи гъванарик гъамусрабутарин диндин вахтнан лишинар ва накъишар, утIукку шиклар, жюрбежюр къярчар ва ул дарарапIуз каъри гъахъи дикIбар кми.

Гоорин Чівурдар ва гъюрдар – му кюгъне вахтари дагълуйирии читин ва игит умрин уткан ва гъябатлу ядигарси гъисаб шула.

Гъязур гъапIур  
Гульнара АСАДУЛАЕВА ву





**«ЖЕНЩИНА ДАГЕСТАНА»**  
Журнал для семейного чтения  
Подписка в почтовых отделениях:  
на год: 291,66 руб. (до адресата);  
280,56 руб. (до востребования).  
В киосках «Дагпечати»:  
на год – 252 руб.

